

麻城縣志卷三十三

藝文第二

文徵 外邑人文 詩增

夫鴻飛留蹟誌雪印於前賢蠹簡無徵訪風流於異地搗蘭亭之片石定武流傳讀蘇李之五言河梁增重地靈有幸名著永垂宙合茫茫斯文鼎鼎若廼感舊標評昭明叙元亮之集臨風翹慕伯喈書有道之碑夏之禮惟杞徵楚有材而晉用披華啟秀同增金薤之光鉅製闕篇允絢縹緗之采已

麻城縣志

卷三十三

藝文 文徵

一

明李東陽文一首

海瑞文二首

葉向高文二首

王錫爵文一首

王世貞文四首

李贄文一首

何應瑞文一首

楊起元文一首

國朝吳興泌文一首

王封滌文一首

李鈞簡文一首

王贈芳文一首

王德新文一首

宋

蘇軾詩十三首



明文元發詩一首

許九叙詩一首

張獻翼詩一首

王楫登詩一首

申時行詩一首

申用懋詩一首

周貞一詩一首

劉三傑詩二首

魏體升詩一首

朱宸詩二首

陳仁錫詩一首

韓上桂詩一首

釋如山詩一首

國朝陳肇昌詩一首

陳大章詩一首

張廷樞詩二首

湯右曾詩一首

麻城縣志

卷三十三

藝文

二

錢名世詩一首

顧悅履詩一首

趙熊詔詩一首

道光皇長子詩一首

鄒都憲薊州祠堂記

李東陽

都察院左副都御史麻城鄒公既卒之五十年後近畿東北邊之將士吏民以公嘗巡撫茲地有功德不可以不報建祠祭之祠在薊州者都指揮劉侯某請太子太保閣老東齋劉公爲記於是守鎮總兵官都督李侯銘偕巡撫副都御史嘉魚李公田命守備遵化等城指揮使張公璵亦建祠立碑來請記於予予生晚不及接公風範聞公名鄉曲間舊矣及仕於朝聞東人道公事又會其子開州同知淪及其孫刑科都給事中騏獲見其譜末銘誄粗識公之

麻城縣志

卷三十三

藝文  
文徵

四

一二而益歎其賢公在正統間通政叅議出督永平山海糧儲事經畫詳密出納明慎民甚賴之也先入寇進都御史兼督薊州遵化居庸紫荆諸邊關軍務簡將閱兵納芻粟繕倉廩築城浚濠修治械器百廢俱舉一時論保障之功者必歸焉嘗觀己巳之禍天下之大變也然不旋踵而定若無事焉蓋國家有可以制亂者三國富也民安也多賢才也自洪武永樂創業定難以來至宣德正統休養生息府庫豐溢倉廩充積故雖費而不匱閭閻畎畝之民食有稻衣有帛嚴刑重役不加其身橫科厚歛之舉不至其

家故卒有警而不變內而臺閣公卿謀畫制馭之宜外而  
憲闔將領攻戰禦守之力故政務叢脞而不廢以斯言之  
若鄒公者其功業之盛如此也或者以爲公當艱鉅時不  
親錢穀刑獄之務未嘗攻城掠野獻俘貢職若未足以盡  
其用者獨不知蕭鄴侯之事乎鎮國家撫百姓餽餉不絕  
其功固已蓋汗馬之勞矣公在畿郡有撫綏安輯之功在  
邊徼有防守備禦之策而况提握重兵爲殿拒振耀聲烈  
以成不可犯之勢乎夫古之有功於民者生有爵死有祀  
若公者縱不克上厯國家之典顧其民與吏有不能已於

麻城縣志

卷三十三

藝文  
文徵

五

情者乃從而祀之豈不可哉君子之論政者每憂治世而  
圖先幾當平居無事時必深培厚植結民心經國用儲蓄  
賢俊以待天下故取之而有餘用之而不可窮苟徒恃乎  
戎馬之強鋒鏑之利以折衝禦侮於不得已之際亦且勞  
矣此予於今日聖天子國用之富厚民心之安輯賢才之  
衆多未嘗不有感於昔而公之賢亦豈不重可慕哉而况  
居其所重之地躬其德政之美被其澤於無窮者哉後之  
登公祠跡公之所爲其所感慕豈有窮乎此國家之大者  
故予不獨於公之身言之公受命撫蘇松諸郡

亦有惠政  
茲不著

贈周柳塘入覲序

海瑞剛峯

善言仁者莫如伊川伊川之言曰仁者以天地萬物爲一體天地萬物爲人性所必有天地萬物爲人道所當行仁人性也少有不盡之分而生人之道缺矣我祖宗設官分布寰宇待守令至隆律守令亦急而峻夫其特於守令加之意者蓋天地萬物之性於守令也體之專天地萬物之性於守令也行之力廣土眾民君子欲之欲我性也是故寒爲之衣饑爲之食爭奪焉與之息有倫理焉講明使之知所趨事爲之制曲爲之防猶之吾身言身則疴痒呼吸

麻城縣志

卷三十三

藝文  
文徵

六

之必調言道則起居食息之惟慎是故守率守之職令率令之職而性道行乎其間矣慨自性學不明國法日久弛玩謀家利己之念勝彼萬物一體之初不曰官所以行吾性也而曰資之以榮吾家也操筆而儒者操戈而盜蘇老泉未若遠之可憂萬里京師之瓊實當之間閭疾苦之情顛頽之狀生靈之命懸於守令不懸於天子尤有難乎其爲言者矣柳塘周公今三月蒞瓊一以聖賢中正之道行之卽所行政若晏僚屬清符牒懲惡勸善節用愛人和平之中嚴毅濟之宛然顏賜由宓諸人矩度下車之日百利

隨興百弊隨革無所不罄其心矣諄諄焉教化先之舉斯民同歸於善公用道學飭吏治龔黃卓魯不足爲公言矣不徒從事於簿書獄訟之間而直探斯民心心相感之妙用聖賢準獲故聖賢治功窮谷深山莫不翕然有去惡惟公是從之心莫不忻然以前無有也爲公頌若不屬已自與已不相干前後之守則然也公認得爲已何所不至二百年來民情今日始洩二百年來民心今日始安秋八月藩司擬公入覲遵王制也瓊民幸公之來悲公入覲於公又不免一年之隔赤子慈母可朝夕離乎士大夫之情與麻城縣志

卷三十三

藝文  
文徵

七

民同之徵予一言爲公贈予嗟吏治不貪則俗古君子不可復見於世也於柳塘見之忻然書此以贈且以促公覲事畢而來歸速慰民望焉

復瓊州太守周柳塘書

前名

於公原未有聞識也舊歲入京會虞坡問及坡翁稱正爲海外求此人物時不勝喜怵窮荒僻壤得此大賢爲之困者蘇疲者息矣何幸何幸下問地方事及居官矩度此等具人心布方冊舉而行之而已本無俟於人言況在執事高明之見尤不俟人有言遵而行之者耶今人每謂做官人有套子比做秀才不同不可苦依死本俗人俗見謬妄之甚區區惟願明公執我經書死本行之而已如此不執雖熟人情老世故百凡通融失已失人全無用處士夫如麻城縣志

卷三十三

藝文  
文徵

八

通判廖平菴年高識邃生自幼業師也可就問餘事散見奉去數帙中茲不備悉明公寄三千里之命誠不可草草爲之昔人謂伊周之道得一縣亦可小試况一府耶瑞不勝惓惓

梅少司馬神道碑

明太師  
相國 葉向高 台山

神宗皇帝在位二十年文武恬熙北寇貢市邊塞人不知兵壬辰春二月甯夏鎮將唃拜子承恩劉東暘等殺巡撫黨馨據城以叛攻下四十餘堡許朝土文秀辮髮改服分道勾寇寇數犯玉泉花馬間約五六月大舉應賊中朝大震議緩師招撫以苟不用兵爲貴梅公爲監察御史昌言於朝以謂賊勢已成畜謀已久遷延一日則禍深一日外勾大寇內引叛人聲勢愈大風聞愈遠脇從愈眾人心愈疑爲今之計非力勦無以定禍亂非詔赦無以攜黨與非

麻城縣志

卷三十

藝文  
文徵

九

特遣無以重事權非破格無以庸豪傑非便宜無以中事機非重賞無以作士氣甯遠伯李成梁父子威名素著諸子家丁驍勇慣戰唃賊降人雜類出入邊徼心輕中國獨憚李氏耳請以西事委成梁擇文臣知兵者監其軍天威旣臨不敢四出魚游釜中勢必自亂附近營路恃以無恐他方觀望憚而自戢失此不圖臣不知其所終也神廟深以爲然朝議方憚兵又憂李氏跋扈不宜假以兵柄眾懼恂恂給事中王德完惶遽自列曰臣所請收錄豪傑非謂李氏也異時有變幾得無連坐公歎曰人臣謀國不忠一



至於此乎復抗疏極論中朝果疑李氏當在遼東握兵之時不在廢閒罷鎮之日李氏卽有異志亦在危疑不安之時不在明主洞察之後伏望陛下斷自宸衷可疑卽別爲調遣可信卽立加委任臣願與成梁馳赴甯夏同心討賊賊知歸命則臣爲陛下之使奉揚恩赦以安反側負固不服則臣爲陛下之將披堅執銳爲士卒先事平之日臣卽日還朝止求自明不敢言功若其不捷軍法具在不敢以臣之罪貽累他人也上以成梁老姑徐行命公監其子如松軍以往公初謂總督魏學會遲頓玩寇意殊薄之繇紅麻城縣志

卷三十三

藝文  
文徵

十

山渡河不與相見久之乃知其忠誠爲國傾心相信誓以共死甘肅巡撫葉夢熊自請討賊駐師靈州思掩學會功代其位而忌其倚公以辨賊也飛謀釣誘間阻百出公旣受事而西事益難言矣六月公自領精騎二百與如松分兩軍壓城而陣公跨馬督戰礮碎公從騎弗爲動諸將咸顧望不力焚南樓取火箭弗應城中射帖約內應匿弗報賊礮之城上公憤盈上疏自劾言諸將用兵不及兒戲從前報功盡屬欺罔臣身先士卒激使僂力同心以報陛下不能協和而反致疑忌事至此臣不得不言臣有言人不

得不恨請下臣於理若秋冬間西事不大壞卽斬臣都市以爲欺罔之戒上已先入夢熊蜚語得公疏震怒逮問學會遂以夢熊代非公疏指也夢熊旣得代忌公滋甚監軍權輕無賜劍又奉屢旨申誠侵越公以忠赤風勵將士以敢死率先行陣以老謀指授方畧以誠心感動攜貳以機權籠駕狙詐諸將始而狎中而畏旣而感激踴躍願爲公死夢熊見公豁達推置亦少安之旋而受絳鏃於公公所畫制賊之策三曰絕勾寇曰攜脇從曰用水攻至是而其局大定鎮城三面阻水壅其北而決之賊將安往賊不能

麻城縣志

卷三十三

藝文  
文徵

十一

突出寇不能闌入是我以堤爲長圍也七月堤成凡千七百餘丈決水灌城城東西崩各百餘丈賊守陴者皆哭佯乞降堅守以待寇寇數萬騎從李剛堡渡河去鎮城三十里公夜舉火趨李如樟邀擊如松尾之遲明兩軍夾擊寇大敗繞賀蘭山遁去用木筏衝城竿寇首以示之曰此而所勾着力免也賊絕望寇至梯城而下願見梅監軍面陳歸順拜承恩東暘及濠望拜而去許朝躍刃踰濠如將及公壯士張進諫欲前公朕止之披襟而與之語朝遂巡納刃屈腳下拜城上下礮石焰天鼓角殷地公神觀安閑進

止自如咸咋指歎曰梅監軍真天人也八月八日夜二鼓  
三人縋城來告賊以重陽入大城置酒南城可得也諸將  
莫敢信公曰往我任之及城諸將讓登總兵牛秉忠年七  
十賈勇而上公緣梯大呼老將軍先登矣乃畢登降人殺  
守者血流活活有聲公踞坐血營中籍記功次傳呼止殺  
男女然燈夾拜謹呼再生南城下賊據大城以守謀知賊  
黨攜貳遣南關民李登往間呼氏殺劉許自贖會劉東暘  
先疑土文秀僞病誘殺之承恩殺許朝畢邪氣並殺東暘  
城中解甲焚香以迎王師十六日整師而入不僂一人或

麻城縣志

卷三十三

藝文  
文徵

三

說公盍殺降人以應封率公曰事定矣妄殺何爲馘劉許  
呼拜承恩以獻闕下括賊帑以補軍興籍降丁以實營伍  
此吾所以蕲西事而報天子也夢熊聞之乃自靈州馳至  
封賜劍下令盡誅降者承恩方從公出獵遂就縛拜闔室  
自焚軍士大掠骸骨撐柱金帛狼籍道路公卽日襍被就  
道題詩驛亭長謠歎息而已東暘朝首級皆燬夢熊將函  
他首以獻使人示意於公公曰有一首可代其人喜而問  
公笑指其頸曰此是也遂不敢言公入朝據實奏報曰諸  
將可以欺臣臣不可以欺陛下也朝右皆右夢熊以首功

論公陞太僕寺少卿遇邊撫推用蔭一子錦衣百戶而諸將士從公效死力者多不得敘嗟呼西夏之事難言也督師駐二百里外置酒高會遙制成敗監軍身在城下腰刀袴褶親受矢石成則督師總其功敗則監軍專其罪無關外之事權有朝右之謠詠左枝右梧前顧後視不察覘眴不動聲氣陽就其籠挫陰隲其機牙王誅以成國體以全斯爲難之難矣明旨戒侵越也公奏疏曰人之侵權必有所爲或爲貪功或爲尊大或爲受享以臣爲貪功事定之日首敘督撫次及大將次及行間之人監軍之官卽自居

麻城縣志

卷三十三

藝文  
文徵

十三

其功欲何爲耶以臣爲尊大臣與士卒爲伍倉卒聞警躍馬疾馳將領效力則下拜而謝之士卒有謀則執手而問之可謂之好尊耶以臣爲受享日夕舖糜自買柴菜居處營中累土爲榻以蒲代瓦風雨時至擁氈自蔽木板爲几案瓦盆爲頽器夜無然燭引燎自炤可謂之受享耶臣所以奮不顧身甘冒賊鋒者蓋見人情時勢之難甯死於賊以明報主之心不死於讒反爲任事之戒臣之微軀誠何足惜恐豪傑之士見臣受禍皆懷明哲之思沮効用之氣非所以風示天下宏濟艱難也賊平之後抗疏爲舊督臣

伸雪曰攘其位掩其功又欲殺其身乎吾願與魏同罪不願與葉同功不然他日何以見魯衛之士乎南城之役與將士緣梯蹴踏右手傷大指血沁佩玦酒間慷慨循玦而歎幸哉七尺無恙其不爲此指者幾希矣公之辭恩蔭曰角巾歸里口不言功使天下後世知臣一念樸忠非有所爲則臣榮多矣公以一指視一身以一身許君父雖通侯胙土視之如浮雲而貪功攘善之徒顧欲以腐鼠嚇之不已遠乎西事甫竣我師有東征之役兵絀禍結首尾七年而西陲晏然我得以一意東畧公之功於是爲多天子心

麻城縣志

卷三十三

藝文  
文徵

十四

知公能有意大用明年陞都察院右僉都御史巡撫大同又五年陞兵部右侍郎總督宣府大同山西三鎮又三年以父喪解任歸未起而卒故吾謂萬厯中龐臣碩輔膚公扞城之臣以公爲首而公之得以成功者以神宗之明知之蚤而任之力也公諱國楨字客生湖廣麻城人大父諱吉宏治己未進士爲惠州太守有惠政夫婦皆百歲父諱汝觀母陳氏生六子兩世皆以公貴贈兵部右侍郎妣皆淑人公生四歲雄傑異凡兒十四補博士弟子二十六而舉於鄉再試落第挈家居長安長安中戚里豪貴都市輕

俠鄒魯文學燕趙奇節一旦盡出公下間拉宿將健兒遊  
戲近畿貫酒呼盧走馬角射袂衣短袞長髯巨鼻望之如  
羽人劍客識者以爲郭元振張詠之儔也萬曆癸未與仲  
弟國樓同中進士國樓選爲庶吉士公知順天之固安縣  
刊落教條蠲除贖銀闕畧簡便務得民和中官操豚蹄餉  
公請徵責於民公愾然烹豚置酒曰今日爲公了此中官  
大喜睨而牒追民至公奮髯怒罵趣鬻妻償貴人責出今  
日死杖下矣中官益喜少選戒吏僞遣人持金買民妻追  
與偕入公持金付中官叱僞買者挾嬖去民夫嬖不知也

麻城縣志

卷三十三

藝文  
文徵

十五

哀慟訣別中官亦慟不願得金公固不可曰小民償責誰  
不鬻妻子顧可令貴人折閱耶叱去益力中官與民夫婦  
參立悲咽卒毀券而去其馭輦轂貴人多所操縱裨闔不  
名一端其大都如此公之母卧病國樓邸舍公自固安跨  
馬入省鄉人固止之公流涕曰吾豈以一官易吾母乎入  
侍湯藥者匝月良已而後去人亦無以難也暇日輒較射  
每就射所決訟錯落數語立遣去歲爰書奏上才三四遍  
入覲乘駿馬插弓矢從蒼頭廬兒沿途射生逐兔箭聲叫  
空如餓鴉他邑令引車匿避問知爲公乃大驚其儻焉聞

達不拘細碎皆類此也公爲人奇偉變化權譎機警曉暢物情闇合兵法軍抵甯夏通賊法嚴城堡皆晝閉公大弛禁令軍中與民相貿易米鹽騰涌軍實不乏公曰吾平夏州惟此可以言功也初視師聞城頭炮聲地漾漾如乍雨蒼塵一將曰此炮所至也急牽公避之公曰子母砲中必有母是砲皆子豈舉砲者不肯爲賊殺命使乎後果有內變南城下命急塞北門賊果從大城來攻不能奪角樓火發砲矢雨下公曰無恐我軍誤蕪火藥耳許朝能賺我死乎已而果然我軍疾攻大城賊縛南城人妻子親戚寘長麻城縣志

卷三十二

藝文文徵

六

竿上居民皆痛哭公使人傳呼曰監軍已往取許朝之妻劉東暘之母矣賊遂解縛南城始安公在雲中某王方欵塞一以安靜御之一日忽大出獵縣令關揚諫曰秋成多損稼公弗爲止後數日得寇諜寇欲大人以有備中止揚乃服扯會遣人送精鐵數十劬曰塞外某山忽產此公笑受之命工製爲劍銘曰順義及某來市求鐵鑊公禁諸邊弗與出劍示之曰前者某王遺鐵中國所未有爾何用此頑鐵爲也寇厭大譁歸怨扯會扯會詞詘遣人首服謝罪公曰我以至誠待爾無爲也仍與之鑊王畢邪氣者寇中

知文法爲間者也同諸部來見公謾之曰汝非王畢邪氣也何得僞來王扣頭自陳非僞公笑曰人言汝爲間寇中我久礪斧鑕以待汝汝故馴謹如此幾令我誤殺好人王叩頭感泣自是輒輸寇情以告公以恩信待寇時其撫賞恤其凶饑每延見寇酋傳呼聲誓尊嚴若神已而離立偶語媿媿如家人寇爭獻嘗所服毳裘以明身侍公側亦請公冠服歸襲而拜之曰猶見我公也他鎮寇聞公名皆呼大人延鎮帥挑釁襖兒殺其講事八十三人寇大入殺掠延撫王用賓媾之不聽曰必得梅大人言爲信公命使至

麻城縣志

卷三十三

藝文  
文徵

七

遂立解其爲諸寇敬信如此公在兩鎮弓矢皆親督製寇中號曰梅弓梅矢每燕會以寒具爲的與賓僚共射召諸將較獵不及者罰大觥比糲而射易器而飲弗問也張進諫者萊人也力能碎鐵石執槩不去左右每變服夜巡城壘暗中遙辯人影必進諫也公死進諫哭曰進諫自今無死所矣未幾亦死總兵張臣道經固安公致餼加禮張異而致問公曰棒槌崖之捷殺寇數千人我物色公久矣張拜伏大哭曰某血戰一生受文吏抑沒今願爲公死矣公之能知人得士奔走豪傑非偶然也溫陵李卓吾通人也



好談王霸大畧西事起歎曰天下之兵始矣旣而曰客生往矣必能辦賊公呼公安袁中道爲小友中道客長安以學道求友爲言公遺書曰貫城之旁有日中之市焉雖無奇瑰異物而抱所欲者各恣取以去求友亦若是耳顯靈公古柏婆娑委地作虬龍形東便門外奈子花如錦幄可容二十許人晉陽庵有唐鑄觀音像沙窩井水葛道士毬順城門老中官射此余十年所得友也公儻欲之便以相贈袁嘗語余海內有偉人二一爲公一爲通州顧司馬養謙而惜余之皆不及見也萬曆三十三年五月十五日公

麻城縣志

卷三十三

藝文  
文徵

六

卒於正寢享年六十有四訃聞贈官賜葬如彝典於原廕加一級世襲某年某月甲子葬於白畝之原公之配劉氏封淑人生男浩然早卒女六人長女爲大金吾太子太傅劉僑母四女適吏部尙書李長庚側室亦劉氏生次男之煥一名嗣勳公沒十餘年猶子之煥繇諫垣厯邊撫功名志節赫奕相望之煥道公行事爲詳又言之煥之稱爲公子也之煥書來請曰先公橫身許國勞深賞薄進不爭功退不言祿先公之志也夫復何憾惟是夏州之役先公曰堤水葉曰填土先公曰急攻葉曰緩師先公冒死以戡亂

葉坐制而殺降截大寇下南城馘羣賊皆出先公隻手葉  
無一焉而萬厯稗史記三大征者見聞單薄援摺錯互舉  
艱危者定之績胥歸恭開害成之人如信史何如國論何  
且夫先公既口不言功而叙功之典遂因而欺枉失次無  
功者乘軒而世賞血戰者負戟而長歎功罪倒置豪傑解  
體至今疆場之上有朝廷負人之歎在此役也先公墓木  
拱矣有麗牲之石在惟夫子哀而賜之銘所以表國功正  
穢史修廢典胥於是乎在夫子其無辭余曰諾乃敘而銘  
焉銘曰神廟初年四海乂安風清浪偃如海安瀾西陲雜  
麻城縣志

卷三十三

藝文  
文徵

十九

種負鄙爲災魚蝦跳擲海水羣飛皇曰往哉汝監軍事戎  
服督師惟汝之志堂堂梅公矯矯如龍星馳城下決策軍  
中師圍蔽烏寇援絕螳長堤雍河賊在釜底狼搏豺吞交  
口并齧整兵頓馬我刃不血奏囊橫飛血指沁漉手提銀  
夏以還九服錫盾雕戈鈴析萬里名王入侍窮廬外徙於  
皇神廟德侔蒼瀨擾畜羣龍在我池沼養其頭角資以雨  
雲俾舒鱗爪以蕩祲氛譬彼驕人天吳罔象鼓舞相礎不  
越沆瀣清廟有頌麟閣卽圖邈矣神廟遠猷訐謨河山有  
窮碑石不改梅公如龍神廟如海

司馬耿叔臺傳

前名

自嘉隆來士大夫以理學名者楚則二耿先生伯曰恭簡  
公天臺叔曰叔臺恭簡公余僅一再晤叔臺公則共事留  
曹八九載無日不相見見必歡然笑語移時余素不講學  
然公甚喜余每告人曰見某人使人心和氣舒殆冬日之  
日也余甚愧其意其後余入綸扉而公逝值朝紳紛紜爲  
朔洛之爭余每歎安得有公在以風之公存心厚而持論  
恕口不言人短在南中日久絕無一毫滯淫之感稍見於  
辭色余嘗許公爲真恬真平使世人皆如公天下平平無

麻城縣志

卷三十三

藝文  
文徵

三

事矣公諱定力字子健別號叔臺故世稱叔臺先生先世  
有國寶者當洪武間以功授濟陽千戶長子必順卜居麻  
城之太平里嘉靖末卽里爲邑名黃安而當公之舉于鄉  
猶稱麻城人自必順五傳至大振大振生金娶秦淑人生  
四子恭簡爲刑部左侍郎贈祖父如其官公初誕秦淑人  
病欲弗舉時仲子定理方七歲哭曰兄有我我奈何無弟  
淑人曰無衣也仲子解衣覆之乃舉少從恭簡稟業恭簡  
舉於鄉遊南雍挾公與俱恭簡成進士公始爲諸生迨督  
南畿學公復從之南畿師事史公桂芳友楊公希涇焦公

竝吳公自新皆以學問相砥礪吾郡吳襄惠公督楚學拔  
居異等是歲爲嘉靖甲子當大比襄惠每告人耿生必捷  
果如其言乙丑下第復之金陵恭簡師道嚴公濟以溫和  
門弟子益親戊辰當赴春官以恭簡遷廷尉過里畱侍依  
依不果行至辛未及第廷對李文定公欲置之鼎甲而高  
文襄公嫌其筆畫重抑居二甲除工部屯田司主事江陵  
相國公座師也又先會執贄故獨加殊盼其後公見江陵  
權盛遂深自引避所尊信惟房師王文肅公及同年鄧公  
文潔張公元怵鄒公德涵在工部滿考踰歲晉刑部員外

麻城縣志

卷三十三 藝文  
文徵

三

郎丁秦淑人艱歸復除兵部武選司員外晉車駕郎中所  
居官咸遵功令奉職有聲屬劉御史臺劾江陵鄒公方僉  
事河南江陵疑之曰疏僉事筆也直指將阿意劾僉事公  
方懇應城李司空移書爲解直指以其書上江陵僉事竟  
不免李江陵姻也亦罷去公出爲臺州知府以外艱歸復  
除成都府恭簡泣語公吾先世隱約澤未及人弟能爲三  
十城造命乃可慰逝者公頓首敬受教抵任卽爲檄盟諸  
僚屬謂吾輩精神通則宵小遠而下民受福郡賦役無書  
公購得刊行之弊竇盡塞方田之役大較倣恭簡所行于

聞者條以從事民甚便之蜀最苦採木公議動大眾毋裔其貲任長吏毋素其足豫採探分夷險布恩信明賞罰使商夷樂趨操縱在手乃可集事當事悉從之又念收木畱難豫請冬曹頒式于商人及木至皆中程吏不得要索所省無算蜀民賴公得全其軀命不可勝計已乃新學宮表章趙文肅大儒禁民素冠違者罰使捕蝗蝗盡而民不擾先是直指被胥篋公視其穴自內出曰此必庖人也捕治果伏辜有夫扶其婦死論抵爰書具謂婦詈夫爲獸夫詆云彼詈我爲獸所生耳公爲續二字於牘而出之蓋詈姑

麻城縣志

卷三十三

藝文  
文徵

三

則於律應死也八計以治平爲天下第一賜宴返郡值征松州諸番以轉餉功賜寶鏹在蜀五載晉按察副使督閩學下車卽頒楊羅李朱諸大儒微言以訓士錄蔡文莊陳布衣苗裔示風向至校藝則隨士子所長不執一指嘗曰文之不同有如其面吾面澤欲人盡澤吾面癯欲人盡癯可乎夫不離耳目口鼻而妍媸在丰神氣骨間此吾之所以相士也故每試凡居前茅者無非名士自辛卯至今以巍科高第列館閣臺省卿寺藩臬郡邑蜚聲展采率皆公所識拔得士之盛爲從來學使者第一其延接諸生春風

藹然隨才陶鑄各極其詣且一一評其行品官位如持左券無不驗者轉河南參政當大計冢宰陸莊簡公署其考曰清畏人知貞不絕俗請於朝褒異之尋擢太常少卿引疾侍恭簡於家踰年起守故官隨晉右通政徙左以諭祭襄藩過里值恭簡喪還朝以三殿災上疏自劾語多規切不報久之執政修郟於焦公以公爲黨滯卿士者六年執政去乃擢南僉都御史督操江瀕發語參知君操江以江爲職而事權分屬他曹所轄地千五百里備兵使者五非內外同心天塹未易固也又曰權使流毒人心洶洶兵食

麻城縣志

卷三十三

藝文  
文徵

三

之計不可不豫王文成譚襄敏以民兵平寇伍司馬守吉安孜孜積貯卒藉以誅逆藩今之有司誰慮及此者旣受事卽疏言五防五便其大指言權使罔利藪奸及竈丁擔夫畿內羣不逞可慮而欲專責治兵使者練民兵儲餉如王文成伍吉安故事亡何有上新河之變賴公成晝璫竄去根本不搖已復上疏極言中使之害謂臣兄弟叨仕版蒙恩二世臣年六十有子及孫竊愛憐之願其世世受廬明經爲太平之民彼璫輩無門祚身名之恤豈復爲國家計深遠語甚切至又勸上時閱通鑑纂要見歷代盛衰之

故皆不報又屢疏乞休不允歲壬寅以九載考績晉右副都御史仍舊任僉都之滿三考而爲副自公始也公雖職操江而攝臺之日久又時兼攝他曹所建白皆關曹事大窾會乙巳當內計公與太宰吉水曾公爲政於南而余佐畱銓預焉曾公寬然長者惟恐枉人考功徐君欲有所黜爭論至動色公意主曾公然亦謂考功議是兩爲譬解余復慙慙之故是役也人以爲衷其年晉兵部左侍郎仍南所省歲供錢及贖鍰且數千金盡畱畀代者爲修署鑿河費時餘姚孫公亦自南臺長遷筦畱樞先後兩署皆同寅

麻城縣志

卷三十三

藝文  
文徵

三

甚相得然孫公氣勁面冷在諸公間多斷斷公爲曲暢而默劑之所裨益甚多妖人劉天緒發難騷動陪京元兇已就擒孫公窮搜其黨六七十人用三木囊之通衢以次就斃公請於孫公曰玉石難分蜚語未實盍少緩之孫公不謂然公嘆曰孫公其不免乎已而臺省果有言公以三品滿出畱都卿大夫祖饑公念行後孫公且愈孤力爲諸公言其赤心任事至以百口保之亡何孫公亦竟去都下縉紳方望公來而公感慨於世事人情之日非有浩然之意中途上章乞骸骨頃之病沒中外聞之莫不悽悼所司請

卹贈南京戶部尙書予祭葬其生爲嘉靖辛丑年正月十四日終于萬曆丁未年十一月二十一日金陵人合祀公於恭簡閩志名宦楚祀鄉賢而蜀有專祠與文翁並配朱氏封恭人男汝恣卽孝廉能世其家

麻城縣志

卷三十三

藝文  
文徵

三



大司徒耿恭簡公傳

明大學士王錫爵

太倉州人

諡文肅

講學自王文成而後辨才縱橫名勢輝赫而其間真儒鉅

公處己立朝之行業亦往往有以是掩者隆萬間講席之

盛莫如麻城天臺耿公余猶及與公先後班行間志意款

款相慕善也竊惟四十年來爲耿氏之學者盈天下表章

羽翼則有中丞太史輩在吾姑撮其行業緒餘人所畧而

不盡知者紀焉按耿之先有諱國寶者從高皇帝起淮甸

其次子必安以功授濟陽衛千戶而長子必順自光山遷

麻城遂爲楚人五傳爲鳴甫公大振公祖也生公父靜庵

麻城縣志

卷三十三

藝文文徵

三

公金娶于秦而舉公及仲子定理叔子定力卽今中丞君

季子定裕公生而岐嶷有大志嘗侍鳴甫公問世間何者

最貴累數級至公若卿更問其上鳴甫公曰此獨有聖人

耳公應聲曰兒當爲聖人鳴甫公竒之初爲諸生時麻城

令金勿者才而未練事公因試策具陳得失幾五千言令

驚謝寘諸首壬子舉於鄉儕輩頗自眩飾以示得意公布

袍就宴泊如也丙辰以春秋魁南宮授行人司行人己未

選雲南道御史時分宜爲相太宰吳鵬阿其意通賄門公

首發鵬姦且語侵執政疏上罷鵬分宜氣亦爲奪辛酉巡

按甘肅至蘭州邊境酷寒故事中丞具貂襜褕逆于道時中丞戴公曰不可以故事待賢者其廉重乎于人如此當是時直指使者出分宜讌勞加禮因與之爲市公若不聞也者第以絲帕杞子笏緘爲陳說古大臣義甚晰且曰某某可大用而已壬戌改督學南畿凜凜以崇正學迪正道爲己任建崇正書院簡諸髦俊肄習其中身爲師帥焉其所陶鑄不拘一方要以叩新發陳蕩邪刊穢俾各有所得而止卽一切按覈士吏于簿書文藝之外敦風化獎名檢常惓惓焉俗習爲之一變時新鄭相國與徐文貞郤族御

麻城縣志

卷三十三

藝文  
文徵

七

史齊康謨文貞公爲疏辨邪正消長甚力上爲之謫康罷新鄭而無何新鄭復相遂修舊怨于公時公由御史晉大理左寺丞四年矣竟以舊官謫判橫州已新鄭敗以薦起衢州府推官漸歷尙寶司丞至太僕少卿尋擢爲都察院協理僉都御史丁秦淑人憂服除以原職起撫福建公以父老乞致仕不報靜庵公趣公行先是撫閩者劉公堯誨念閩濱海兵弱稍括稅督漕爲足餉計而龐公尙鵬至則皆罷之公謂從前則病民從後亦病兵爲之衷度其宜使兩稱便焉時方田令下所在爲厲公獨倣廣輿圖法區列

其壤地高下廣狹之宜條八法下之報完獨先又一官民之則立條鞭之籍括丁糧零雜之數署之片紙使猾胥不得濫征又修保甲鄉約以閒輯小學新編閩訓禮纂用提誨民佐功令所不及焉時廣寇林道乾訶海上公欲檄東埔諸寨會擒之廉知會世寶一銅銃爲我所得乃與之約若以賊首馘與我兵之被鹵者來當以銃歸寨會謹願效死而以金書牙蠟來謝且請通貢公卻其餽且曰通貢非典也弗許第上言東埔寨會震怖天威矢擒賊自效宜及是時羈縻用之益自是盜寇徙跡閭里始宴然而報功之

麻城縣志

卷三十三

藝文文徵

三

日詔止賜金而已庚辰丁靜庵公憂甲申再起都察院僉都御史俄晉副都時新進者勵蠶氣好搏擊公惜老成之去務宛轉調護之乙酉晉刑部侍郎丁亥晉南京都察院右都御史己丑以御史誤論劾撫臣陳公有年徐公元太周公繼自引過求去有詔慰畱甚切而新進諸臺省遂齟公不休求去乃愈力十月晉戶部倉場尙書至是乞休疏九上矣始得歸先是公爲御史時撫臣論羅大參汝芳王兵憲道行公疏爲白之時公臺臣也不嫌與臺長爭異同比身爲臺長用公義以率屬而卒不勝豈非世道之變耶

公歸隱于天臺山學者稱爲天臺先生時公老且病矣口誦筆記不厭諄諄士新筮仕來謁必強冠服見之爲言學道治民之不易公之學自謂啟自彭孝廉公臺成于仲子公甫以主敬爲的公曰道在明倫著五倫圖而仲子別有所悟入一日公與仲論中庸喜怒哀樂未發及上天之載無聲無臭有省又舉羅文恭靜中養出光景語似仲子仲曰有何光景兄弟默識此時光景可耳公爽然自失無何舉筮忽悟契文成良知之旨曰一身皆知體也仲曰奚但一身通天地皆知體也兄弟間自相師友故仲卒而公有

麻城縣志

卷三十三

藝文  
文徵

三九

祝予之痛焉公學大都以反身默識爲主以語默動靜示之範圍其于奇邪曲說排斥必嚴蓋公沒而有以不經毀聖之詞上千吏議者公本所爲變色而爭者也今之學者襲口吻易工耳如公出處卓卓無論如狀記公巡甘肅時受石經之餽途見役喘汗相屬曰此豈節用愛人旨耶因解畱洛有畱經記而其在畱都也善史比部桂芳適秦淑人誕日饌客豐比部拂然起曰富貴移人公俛首謝其後晤史於汝甯語之故史曰爾時若何不言公曰恐以吾不能樂聞過而墮言者意耳嗚呼此末事也然正唯弟子不能

學矣蓋公沒後抱公遺經爲世名卿及名師者不可勝數  
吾友瞿元立守黃謂黃之人有質雅而好修者不問知其  
爲耿公之子弟與其弟子也公年七十三卒訃於朝賜祭  
葬謚恭簡邑令胡尙質建專祠以祀之紀功德焉著有天  
臺文集若干卷行世

大司馬劉莊襄公傳

王世貞

公少穎朗十歲能屬文十五從父宦遊豐城鄉先生楊文恪公談理學爲世所楷模授公舉子業而內奇公至別而爲文以古人期之二十遂舉于鄉公爲人長身玉立顧盼偉如也自是三因公車而其遊太學所交多名士大夫後成進士授南京禮部主客司主事居二歲餘天子誅逆瑾于臺臣多所更置而公以茂異徵拜御史出按陝西前是鎮陝監廖堂貪橫甚而寘其弟鵬于錦衣相表裏爲姦及公當出鵬候邸中甚恭肩脅爲堂請一日歡公正色不之

麻城縣志

卷三十三

藝文  
文徵

三

顧旣抵陝首榜廖堂不法事于衛飭諸司毋曲徇又縛其爪翼數人於獄堂陽爲惴惴請一切得自新公亦冀其改悔少寬之而謗書則陰上矣會公監鄉試所得才士人盛于它時其程文爲諸省甲甫畢而堂之弟鵬素奴事幸臣寧從中道馳堂謗書以其校卒稱詔逮公旣就繫堂使所親信恫喝校卒且啗之利以求甘心焉長安吏民感公恩而痛其冤慟哭擁車前後數萬人車爲枳不得發壯者至拊挺行求堂欲捶殺之堂恐稍杜門引避而其豪張傑王倫數十人相與嚙臂爲盟護公所過舍傳必週視食必先

嘗堂前秘遺尾公者不得近竟以免而公之下獄也幸臣  
寧入鵬喉考摭公罪不得遂長繫於是給事御史俱有言  
赦出爲金壇丞亡何進爲其令有治理聲擢同知蘇州府  
事時大盜湯毛九等起湖州之孝豐山中蘇爲蹂躪臺臣  
驟用公謀平之而公有湖守之命矣公至湖則首禮一隱  
碩與謀政所當先復折徵均耗賦其民大悅以擬謝大傅  
安石顏司徒清臣爲湖守凡六年考績天下第一晉山西  
按察司副使督學校公以母老乞歸養報聞尋得旨別用  
久之仍故官督陝學于其職益稱明年遷南太僕少卿尋

麻城縣志

卷三十三

藝文  
文徵

三三

改太常卽以其年爲都察院右僉都御史督甘肅屯政乃  
條所以當革者五曰括尅曰占役曰湖場曰派撥曰侵漁  
所以當興者五曰開墾曰墩堡曰牛種曰治水曰屯兵疏  
上以次報可尋因母老請告不許改督諸邊糧餉時少師  
楊公一清在先朝才公於試事已惜公冤爲解於幸寧至  
是益器重公爲特疏薦改撫陝西公前後凡三蒞陝其一  
切利弊晰若鏡燭首疏鎮守中貴人當汰狀罷之因裁損  
守令不經於費者三十餘事民又大悅每出則竊相指曰  
此吾嚮者擁車公耶何吾秦人之多幸也公出師平洮岷

叛番四十二族獲甲首三百鹵倍之已又平胡店大盜殲其魁賜白金二十兩文綺二段又平漢中妖賊悉殲之凡再乞休侍養俱不允總制王公瓊偕巡按御史上其勞進右副都御史撫陝如故其明年承秦太夫人訃歸哀毀踰禮以祭葬請許之甫公服除而總理河道之命下矣時黃河驟南徙厯濟而徐皆旁溢不可以漕公晨夜改舟車爲橈樁探求盡得其利便濬淤以故導瀆以新疏汴河自朱仙鎮至沛縣飛雲橋殺其下流又疏山東七十二泉自鳧尾諸山達南旺河濬其上流役夫僅二萬不淹時而河工

麻城縣志

卷三十三

藝文  
文徵

三十三

就天子嘉之晉工部右侍郎兼右僉都御史仍其職及冬入禮部事未受代遷兵部左侍郎兼右副都御史總督陝西三邊軍務公至則申軍令豐儲峙廣埤塹選精銳飭甲械士氣踴躍思効其年爲丙申七破虜明年丁酉十一破虜又明年己亥破虜數如丁酉所上級多至二百餘少亦不下四十而天子推恩報功一加右都御史再加左都御史其侍郎俱如故進兵部尙書則都御史如故其金幣歲至三四賜積金幾數百千己亥公諫虜吉囊將大入萃羣帥而誓之大出賜金爲牛酒饗士陳一寶劍堂皇指左劍



曰將不用命者狗此指右劍曰卒不用兵者狗此及期而虜衆果大至挾詐乘我帥醉遂埤登焉公前已聞警率所部夜行八十里抵花馬池卽故壘營之賊錯愕不敢犯引而西公召醉帥二詰得其狀立斬以狗衆皆股栗遂率以躡賊會天大雷雨賊弓膠皆解馬蹶躓泥淖中斃者相屬而公所檄延綏周尙文兵擣其左寧夏任傑兵挫其右固靖魏時兵擊其鋒公以大兵尾而勁之強弩火礮四合爭奮賊遂大敗走梟其名王以下首虜五百級鹵及畜器械稱是捷聞天子行告廟飲至禮下書褒予公甚篤卽軍中

麻城縣志

卷三十三

藝文  
文徵

三

策拜太子太保予錦衣正千戶爲世官賜金幣踰等尋以公久勞外改南京戶部尙書亡何入爲兵部督圍營軍務時中貴人大將多所私役腹其廩以空名予營公力欲清之而諸共事者爲首鼠兩端以尼公公鬱鬱不得志會報虜將大人公日夜治軍不休因以成瘁疾虜去乃露章懇休上啓而許之特賜馳驛歸歸二年而卒所著有問水集關陝奏議安夏錄督府奏疏若干卷他詩文亦有存者不佞所志志狀畧耳竊又從孫守巽所得耿中丞紀而讀之參以舊聞蓋撫卷而三嘆曰嗚呼公真異人哉當公治日

而稱良墨綬入臺而稱良御史治郡佐臬而稱良二千石  
意以爲精心勤恤之士耳北治河河功立辦西治屯屯政  
肅鎮陝陝之貪墨盡解去大盜散徙始稍露其不可測以  
爲世之得公者尙淺然公南人耳十萬浴鐵之騎霆摧電  
掣於交戟之外而徐以尺一如意揮而糜之百步不留堅  
至其所飛捷明光上下動色謂三秦自洪水而後始快意  
于一勝者終豈能測公哉吾聞之廖堂氏之孽公也校卒  
挾璽書一旦以狼璫至豺虎交跡卽不道塗死且獄死耳  
公怡然以事付藩臬卽就道亡慘容者其定力有以勝死

麻城縣志

卷三十三

藝文  
文徵

三五

也公且中立無死何必有十萬騎哉今夫志大者不能無  
小出入術勝者不能無巧進退然而公不爾也當其游太  
學布袍挾一蒼頭僅潦倒諸生而麻城令有世好者業先  
造公請邑事公第以邑所當創革語之不及私也令斂里  
甲貲爲諸舉子費公獨謝不受倍遺之亦不受及貴而宅  
憂家居將三載矣靡一紙官府也生平所歷皆騰仕而氣  
後以軍興法治全陝人視之泉府矣先人之田廬無少增  
益故所薦大帥某緘金幣而爲壽公時已得老力却之且  
報書以爲戒饒人之感知者選甕器遺公公怪其精曰得

非上方物耶吾書生安用此却之不可遂碎之以明非已  
好也舉進士而中貴人瑾用事於眾中目屬公異之又問  
知其同氏以宗人刺投公公不報已啖之美官亦不荅其  
人而督營務也距京師三舍許則真人陶仲文以戚屬禮  
遺刺迺公曰與若主胡戚也誤矣亟反之公之歸仲文與  
有力焉嗚呼世安得以出入進退窺公哉公又名能知人  
其識故相太保桂公萼故將太傅周公尙文皆自其微時  
世以比楊文襄云

麻城縣志

卷三十三

藝文  
文徵

三

周之先不及考也考自元末而有受七公者從饒之鄱陽徙於黃遂爲黃麻城人受七公生希孟希孟公有三子次子仲燾以子河南道監察御史鑑貴封如其官鑑之爲御史也雪閻左寃抗論輔臣之首循直聲振天下仕至山東按察使有子洙爲儀隴令以子山西道監察御史廷徵貴封亦如其官廷徵爲都御史與中貴永辨宣夏功彊出爲江西按察副使廷徵有三子都轉運使載西安同知戴季則今魯山公也魯山公之謝郊事歸無何而以大鴻臚卿

麻城縣志

卷三十三

藝文文徵

三七

宏祖官廣東道監察御史最封如其官周氏六世相承而稱六御史其三實爲御史皆能以其最滿考而三皆生受封天下之搢紳世家豔名之以爲難及而魯山公之自太學補吏部選人而得郊也鴻臚則已成進士司理吉安大呼而謂曰咄嗟余所墓者於古得范文正邇乃得劉忠宣所願爲執鞭而今困一丞弗振矣勉之哉汝尚可以爲吾所爲鴻臚頓首受教既而曰志伊尹者何人也吾奈何遽自棄遂之郊甫月餘而巨盜百餘晝劫王兵馬掃其帑報至今瞻奪不能語公前請曰令惟守藏當第以兵授丞丞

任獲之遂疾馳行劫所而中道悉具精銳百人昇一神校  
曰賊必從某道出走某道是皆負重可徒手縛也遇而巽  
悞不擊罪在汝賊從他道逸罪在我既發而身從老弱張  
旗鼓尾而脇之賊各負重走某道伏發皆就擒可七十餘  
人兵廵僉事林騰蛟聞而激賞之曰孰謂丞一書生而不  
堪大將耶無何令病死遂檄公攝令令事秩秩新矣而分  
宜相之私人鄢中丞者不解臺務而理天下鹽法以挾重  
故呵喝諸御史諸御史盡茅靡郡邑無不贏金奉少者猶  
數百金在任邾吏以所見聞請公嘆曰丞惟一身有婦耳

麻城縣志

卷三十三

藝文  
文徵

三十六

何所得數百金第令供饌臙潔而無帷幔筐篚之飾鄢至  
大失望乃出二故篋付尉緝之公曰此欲借以爲名耳陰  
備二新篋以俟尉入而以所緝二故篋見鄢大怒蹴而破  
之使呼公入盛氣謂曰丞無耳耶不知我當亦知御史吾  
奔走吏也而敢傳客遇我即敝篋之不能新而使委臺牘  
於草莽公陽謝曰嚮者不以屬丞丞飭新篋二不敢遽獻  
逡巡二篋入鄢顧視篋則新也而中楊然愈失望然無以  
難之管尉二十而去於是林公聞之益激賞之曰吾屬州  
邑長三十也而僅一周丞男子何寡也當是時不贏金者

公與林二人耳林以名御史失分宜意出補持風采益峻  
即青綬而下不敢望一顏色而其禮遇公若真令愛公甚  
於昆弟卧病且死後事悉以屬公曰吾不欲死齷齪吏手  
也公自是賢聲愈藉藉會令至遂改攝宜陽令已攝盧氏  
已又攝鞏公治鞏之旬日行獄得一老吏當戍者洗沐飲  
食之日以一邑大事報我我能寬若老吏叩頭曰左藏籩  
金三千無知者請爲公壽公乃召三博士同入藏閱之得  
金具以白諸司後治鞏復得左藏中羨金五百蓋大家與  
吏謀將入橐者亦以白諸司後先充縣官用時張莊僖公

麻城縣志

卷三十三

藝文  
文徵

三十九

景明撫汴具其事獎公且謂公實心實政云其最後攝宜  
陽而邾今復闕邾父老泣請於監司曰周丞故吾丞也奈  
何不以惠邾而惠宜陽宜陽父老持不可曰今幸宜陽有  
之奈何復奪而邾監司謂邾父老直遷公邾邾賦繁而故  
有荒額二千石當蠲第悉以遺薦紳大夫及博士弟子司  
府椽吏之豪有力者民伐完額困公廉得其狀乃密以白  
後兵巡趙公請悉歸之寢邱趙公大喜還語邾父老益大  
喜而諸薦紳大夫及豪有力者爭啐趙公趙則曰周丞爲  
之我不與也議自是格公乃浩然嘆曰天平令林公在直

反掌耳遂投劾歸邾父老哭擁車致不得前公之歸麻城也邾父老歲候公誕以車載棗柿酒麵造公而壽焉公戲謂余故不負丞丞今者乃益不負余始公生二歲而江西公捐館尋二母相繼歿公起孤童自樹立由諸生涉太學上舍有經術聲試順天不利而後棄之居恒痛不獲識江西公見都運及西安二兄猶公也所以事之約畧如事江更小者子之材者援之急則左之難甚於已尤慎然諾敦氣誼一結斷金即生死亡易其孤嫠若歸矣善決策成敗

麻城縣志

卷三十三

藝文  
文徵

甲

嘉靖中郭翊公勛得幸上貴甚里人有欲借而得官者公時尚少爲度之曰翊公固材而驕上欲自操太阿柄奈何狎而弄之夫以驕臣事英主未有能久者也其人至國門而翊公敗公好稱說直節士嘗得楊忠愍公繼盛論分宜相疏手錄置袖中時時取讀之經歲其文悉磨滅至老猶能擊節朗誦一字不遺鴻臚公之爲御史視南畿學其轉副使視福建學而其謫也實以御史時論新鄭相見中故歸而請罪滕下公笑曰若高祖持首輔循祖父抗中貴永吾憾不得身親覩之今幸覩汝且汝非坐私譴謫何罪也

第吾所用望汝以文正忠宣二公者殊未既也勉之其後  
仲子宏禴以進士爲起部郎文學論議有曹署閒聲以欲  
論諍江陵相失具草將上而爲忌者亦謫歸而亦請罪門  
下公復笑曰若能如若祖如若兄何憾幾事不密則害成  
慎旃哉汝從汝兄而趣文正忠宣者猶有地也今姑就我  
旦夕耳蓋起部待公之三月而公屬疾卒距其得謝郊事  
餘二十年絕跡不入城市於俗儀酬酢多所簡畧惟弔喪  
問疾則不廢卑幼春秋祭埽家壠則不避風雨故工爲詩  
其警語有云晨林弄秋色微雨落輕寒以爲何必滅柳常

麻城縣志

卷三十三

藝文  
文徵

四十二

侍晚好習養生誦岐黃之書而悅之遂廢詩曰奈何劇吾  
方寸共筆硯也謂鴻臚起部此事亦付汝曹矣公諱錢字  
汝成娶於汪屢封太安人有婦德先公卒丈夫子四宏祖  
宏禴宏裕皆汪出太學生宏祲貳王出孫男八女三卒壽  
七十有三葬某所鴻臚與吾弟懋同年又嘗董吾畿學政  
而爲司馬請卹也則時時稱神交矣起部之以文字知尤  
久鴻臚乃銜卹具事狀授書走起部三千里而乞誌銘嗟  
乎余安敢辭獨念公有子而貴稱封公以老壽死無可憾  
矣所少可憾者縣官以格持公露公之穎而不盡出之也



雖然公之丞剌其人不言令而言丞歸麻城其人不遠千里而壽公於麻城里亦安能限公哉銘曰直臣之子直臣之父公於其間不愧仰俯出爲循吏歸爲鄉先生尸而祝之誰云不應嘻嘻不泯者銘名公名者銘

黃萬巖公墓誌銘

前名

詩云雖無老成人尙有典型余蓋讀黃公狀而嘆之黃公楚人也楚自嘉隆以至萬厯蓋有三貴臣其所繇貴不同然其力皆足以登顯天下景從之士而於其鄉人所援植尤切而黃公最其鄉賢者而又爲鄉人不難使之知而難於不使之知其究不難使之忤而難於不名所繇忤公真賢者哉真賢者哉黃之先世家麻城里元末而有武益者倜儻負材畧率子弟萬人據險以遏寇亂時名其堡曰萬人巖太祖下武昌乃夷險籍衆而上之帝悅予以官弗受

麻城縣志

卷三十三

藝文  
文徵

四三

請得隸宿衛遂補錦衣緹騎校建文中從北征以戰死子克先代而從上都北平宿衛世世不乏暨數傳而爲子華推其籍從子而還麻城有三子長曰琦舉楚鄉魁叔曰璣是爲封公奮身請於父荷一戈之緹幕起貲爲俠伯乃治甲第多游大人以成豪英聲晚節家稍落而所配胡宜人孕公時封公夢貴入襲金紫入其室小間以一琴鶴去寤生公公生而穎異強記稍長工屬文封公以謁廖學士道南學士大奇之曰吾輩人也三年盡得其學遂補順天諸生應試娶武宜人時甫冠云又三年應試則視學林御史

者其爲吏刻覈謂緹騎不當補順天學悉繫治之公與焉  
林御史遷去經後御史始得釋而竟以是阻試又三年而  
舉鄉薦明年會試中式所封策剴而文故相張文忠公奇  
之擬甲第薦而懼失上旨置首次欲緣以收公公謝弗往  
乃僅得刑部選爲雲南司主事任職無害亡何張昌公鶴  
齡與蔣都督相齟齬張爲蔣所持僭擬狀下刑部當公讞  
時以蔣所主章聖而昌公則昭聖孝宗弘治后也武宗正  
德之母世宗嘉靖皇伯母也勢以陰詘恐不能無上下公  
毅然不可具獄上尙書爲請之昌公乃得解蓋又久之而

麻城縣志

卷三十三

藝文  
文徵

四

始扼其他敵以敗敗而猶亟歎之安得如黃公雪我而林  
御史時已遷中丞撫順天坐誤鬻官人下獄復當公讞始  
林公心知公故却憂之甚公第弗見而陰戒吏勿侵軼之  
僅以誤論獄上得免辟旣出獄修諸生刺以謁林公且媿  
且感曰我日故無珠公殆長者公治獄旣平潔廉自律聲  
稍稍著西曹而會中貴人有所訓殺人者少年以詔送部  
理就廷尉評而逸之中貴人挾以恐喝曹諸郎咸縮首弗  
應公曰吾詣中貴人白狀彼且奈何公以一刺入中貴人  
倒屣出執公手曰吾幸識先生先生所謂不受一錢劉寵

耶當爲先生任之亟爲捕得囚歸之部事竟寢公用考最封父母遷浙江司員外郎以胡宜人喪歸服除補河南司遷山西按察僉事所治太原爲王國諸宗室子侯爭民田而訟者王右之縱無賴子尾前僉事趙而咻君至一切付三尺無所依阿王更媿謝約束不謹聽公所理晉人大悅嘗以秋行鴈門等塞修城堡簡騎士嚴斥堠又多募死士間優以金錢俾探鹵所向而待之制府倚公若金甌而會復以封公喪歸服除補山東甫至有傳鹵會熾林當大入入必窺臨清者臨清爲南北孔道漕艘商橐悉萃外郭中

麻城縣志

卷三十三

藝文  
文徵

四十五

承曾襄愍公銑與公同年素才公屬之城公一二大僚分版築晝夜趨事如期成而大雨水溢城輒隕葺之隨復隕公策曰下必有伏淤也卽隕處發土丈餘而淤見乃去之多募民間敝缶實之灰而基之城始不隕曾公以公功上增俸秩一級屬歲侵民苦饑公請於臺發庾粟出贖緩以賑不給則勸勞其饒者貸以償而多布二麥種躬自程督毋廢稅民得以無殍死明年麥大熟其半皆雙岐而七穗吏以歸公公曰天也吾何敢叨則請聞之朝公曰昔不聞災而今聞祥豈吾任哉蓋前藩有以嘉禾麥上而得賞者

比比矣單大豪李淵玉醜其妻故使其飼鷹者臂鷹而飼之卧內一日忽併殺之以雙首獻于官官謂其格合亡以罪也凡三歲而邑大旱公行部刺得其狀立論豪死雨應時澍而長清令趙故貪而挾奧援又以骹骸得上官心公廉其實逮治之獄具獄凡三上而臺三駁弗爲阻左使故善令乃置酒與其寮要公且醉而從容爲令緩頰公卽拂衣去會有遷命乃得解時學使者闕公攝之所識拔如許左史邦才谷司馬中書輩皆知名士而屬大試藩臬之在棘者皆被逮獨公總攝二司與諸道篆以更日往吏環案

麻城縣志

卷三十三

藝文  
文徵

吳

聽署者趾相嚙詣前庭受讞束約肩踵亡所容公應之沛然晝晷而散咸咋指稱神明而公之遷也爲陝西右叅議分治商州亡幾而制府議城花馬池以公材且於臨清著特檄使偕一人大僚往大較操畫如臨清其嚴倍之城成而公遷理一切以清靜簡約因俗爲化時三原馬理先生避地居商與議經學政術相推重商故鮮科第公進諸生授以程式又助之膏墨費是歲有薦于陝者尋累累不絕以旱禱雨雨隨降以虎暴詛虎虎就擒樵者得白鹿獻公擾之圃馴若家畜然或謂當進之朝公曰是又且以瑞麥

嘗我母如我駭何秩滿進按察副使飭甘肅兵而何套之  
議起蓋曾公自山東來開府好邊事以倚公而公持重與  
議不合無幾曾公竟得罪而公時邑邑不樂上書引疾乞  
骸骨太宰聞莊靖公惜之知公意決乃特請爲予告痊日  
有司具狀取進止蓋異數也公爲人果毅任事有氣力居  
恒謂業已致身爲縣官不復能顧私志取必達然至于體  
究幽蔀所便否恒恐其拂之士大夫居閒從謝絕顧其酬  
酢詳懇宛致不敢以失意望公所蒞必有去後思而其治  
齊魯及漢中最久旣遷去送者哭填道不得發相率尸祝

麻城縣志

卷三十三

藝文  
文徵

七

之其于潔廉則天性當登第而猶子之壻馮累貲巨萬請  
以千金爲官費公謝曰下士費不百金幸自足辦馮固請  
乃受一羔裘服之至老不更易兩居喪屏跡田里于公府  
無所干請而其最後歸子子單車垂橐乃脫身尋故田廬  
課僮奴種蒔自給一椽僅蔽風雨而性好遊佳山水筍輿  
敝以草蓐束之鄉人見敝輿而束草者爭出指詫曰此吾  
黃公耶而公不時具輿則策蹇蹇不時具則杖而步遇所  
會心處連日夕不歸或要公者以惡草具進甘之若太牢  
卽盛水陸窮珍異徵聲選色以薦推去弗御也監司下教

守守下教令令布幣贄羔冀公一垂顧而公有城市戒不可或屏干旄以輕騎從公田間匏壺載酒芋葉載肉清言竟日無倦色給事王三宅爲令時造公問政公亦虛心應之一時以神明頌王令不知其得之公居多公家貧不任施而好之不已族人迫催科急則悉其橐裝代償之而徐聽復曰母使而曹有匿稅名母使官有魚肉而曹名歲禮則貸母錢貧民而不責其子逾期察其不克償者召而焚其券以爲恒鄉父老戒子弟汝曹好爲之母使黃公知也公嘗以寓橐于他富人而盜據之得公封識不敢動曰我

麻城縣志

卷三十三

藝文  
文徵

哭

何以貽黃公憂公之拂衣年方四十五氣壯盛故以絕意進取而三十三年中所謂三貴人者少師恭誠伯之弗論然與公近里聞其所欲得御公何限彼太保忠誠伯鷲而市名人也使公不惜一薄蹠音響應矣太師江陵公萬曆時首相張居正湖廣荊州府江陵人也子懋修中萬曆八年庚辰科狀元柄國時公尙未篤老而楚人無不以公爲兩陵祭酒寧不欲召致公哉公視之均髦弁也予故曰真賢者哉或曰公故忘世士也乃予則謂不然謂隆慶之初元大有登進而吳尙書嶽劉尙書采嘗薦天下材臣四而

公兩與焉前是太宰胡公松而後太宰楊公博御史大夫  
葛公守禮皆公同年休休臣也相顧而稱奈何先黃景文  
公作景文者公字也業旦夕啟事上矣公聞之曰用吾身  
必先吾言乃草封事數千言上之大者筴漕河開互市均  
賦役節上供御將相遠奸佞與久任守令調停藩宗復新  
建白封而先以抵楊太宰葛大夫相與計曰上悉之且叵  
測卽上弗悉當塗之謂何因沮弗上而用公意亦緩公歎  
曰已矣吾固知非二子所能吏也始絕口不復言世事而  
課其子若孫習經術俾起家由此觀之忘世非耶公于將

麻城縣志

卷三十三

藝文  
文徵

甲九

相大臣喜稱郭汾陽於隱逸喜稱陶元亮邵堯夫於文喜  
稱韓退之而所自構撰文若詩則間有類東方曼倩李太  
白者於後進推耿中丞定向中丞後公二十年而按部漢  
中聞其士民謳思公若新歸而造公里談必移日歸必歎  
曰公豈三代以下人耶公以萬曆己卯八月卒逾旬而孫  
圖舉於省爲第一人又四年而手具公事狀累萬言益以  
耿中丞所論者而謁予俾志墓道之石公諱卷嘗感其先  
武益保障勲而署其號曰萬巖所以志也得壽七十有五  
年與配武相莊至老無他婢媵生七子余以萬曆初觀察



楚監試事三月遷去亡何持節撫楚之西北邊去公鄉遠  
第能一識公之姓名爲賢者而不盡究又弗獲推轂公今  
者得之中丞之論著覈而圖狀詳爲誌而銘之  
銘曰生世七十有七年用十而三歸勝之焉舍我者我終  
舍者天天欲完之人曷能權鴻旣冥空龍或在田逸民良  
臣莫公敢詮總而歸之曰賢

曾筆山墓誌銘

前名

始余入爲刑部郎同舍郎吳峻伯者間與余屈指天下士而曰有曾公日宣者其人哉問所以知曾公則公嘗識峻伯公車者也蓋又垂二十年而與公之子孟麟遇燕郭招提中公沒已五載而孟麟時語余曰敢以先子之不朽屬余謝曰無已有峻伯在是而公所知也亦能知而公者也其明年而峻伯沒又十年而孟麟具書狀以介弟嘉袞走二千里而拜余山中曰爲先子卜壤而弗兆以偃蹇至歲之辛未而始兆也乃又不及志銘不幸失峻伯矣幸吾子

麻城縣志

卷三十三

藝文  
文徵

十一

在而以十載之成言請其大貺之不朽余又謝不獲辭乃據狀而誌之公諱熒日宣其字嘗自號曰筆山故宗聖廟國公裔有自武城避新莽而遷廬陵者爲廬陵人明興有仕黃守而家者其名文遂爲黃之麻城人四傳而啟以禮經魁其鄉得犍爲教諭以子大有貴贈邑令卒而祀鄉先生社季子鳳陂公大顯由進士拜給事中廷劾中貴人瑾拜杖謫遠郡幕以直聲聞天下歷四川布政司參議以卒祀如犍爲公鳳陂公娶於李舉公甫六歲母李卒公出就外傳日記數千言少最敏能文從鳳陂公宦游慈谿姑蘇

已又游南都三邦號儒術藪而公遂能薈其勝歸試於  
學使者四而四居首張文定公奇之曰是子也材可棟也  
公以壬午舉鄉薦明年遂成進士授河間之獻令公所爲  
獻善狀最夥而其大者輕重論罰以穀贖民不病罰而庫  
穀盈懸信格募擒巨盜以次就理里豪有躡蹂民憤跳  
踞樹罵豪中之石墜而隕監司欲寬之謂隕墜耳公曰隕  
墜固當誰石之而使之墜耶卒抵豪死公旣著能吏聲自  
負以不輕折節而又念其父鳳陂公病會御史某行部數  
巨撮之公笑曰彼謂其難去令耶卽拂衣歸而侍鳳公融

麻城縣志

卷三十三

藝文  
文徵

三

融如也御史意不自得而邑民迫得公爭噪於臺於是都  
御史錢公如京與御史合而檄致公鳳陂公乃促公行至  
則益自勵斤斤三尺御史更愧慰薦之矣公滿六載始召  
得南京刑科給事中將有言持鳳陂公服歸服除補兵科  
給事中尋復持繼母張服歸再除補故官遷戶科右給事  
中會當大計京朝官而以公強正特調改吏科公自是益  
發舒言事無所避霍文敏韜爲南禮部尙書疏欲責六科  
避輦公持故事繩之不以霍公賢重假又嘗上書譏切貴  
臣用事者翊國公勛而以其戶科左給事中視京營則直

幼懷寧侯瑛罷之矣公所言營務四事若掄官僚實行伍嚴操練飭賞罰軍中至今稱之尋轉爲兵科都給事中上將南幸楚展謁顯陵二三大僚暨臺臣爭之弗得而諸給事默默推禮科禮科之署屢莫敢發公奮然曰天子輕萬乘出巡幸此豈獨禮科責哉乃率其僚抗章謂陛下孝思與大舜媲諸所經畫行留亦曲盡矣太子監國尙屬襁褓六飛在途還往疲頓南土卑濕疫癘時起又聞漢沔之間比者無歲編氓流亡突烟時斷今清蹕所臨法從虎賁供帳糗藁何所措手林棲草伏士餒馬瘠隱憂誠萬萬不淺

麻城縣志

卷三十三

藝文  
文徵

三

也陛下母牽一人之孝而忘忽宗社萬世書上不報遂以扈行屬歲稔而河南餒死者枕道上公復再疏請賑之下有司匿其狀上顧左右請賑者又挺耶唉歔爲誰今復安在會禮科給事中戴公嘉猷歸自使所使其副馳疏請上速回蹕上怒甚俾下詔獄以待大駕還併公與同疏者李君逢周君沅謝公廷菹皆下獄杖謫一時翕然稱青瑣五諫云而公得廣西靈州尉未幾遷江西進賢令靈州遠外非人所居地而尉最卑散進賢故巖邑然令劇易困公以貴臣挾重聲居之中無所厭薄其治辦畧如爲獻時而

公牘暇則緩帶褒衣延諸生談推今古不倦俄遷温州府同知中道擢四川按察僉事其政專屯鹽方欲有所爬刷而以入賀萬壽行既至而貴州撫苗之議起當設一參議駐銅仁控之羣公顧謂會公治營務亡害非公莫可任者遂擢以行而是時撫蜀都史不欲言其名以吏科都給事中尹君相論劾罷去尹君故與公同鄉且同署而名爲最相善都御史甚望公曰疇人而子爲我地邪必是子也齟我者旣得代卽論劾公以僉事聽調歸公歸絕不復有仕進意凡七歲而時相張文毅治故善公而又直公以書勸

麻城縣志

卷三十三

藝文  
文徵

番

駕公造朝而張公已卒僅得廣東僉事公所轄廉州有珠池凡官採珠所役使蠻人死傷不可勝計而珠直不當費十之二大約以利好人橐而已屬期且采公奏記督撫司公廷爲疏止之廉困以蘇又條上廣兵力益戰艦禁海舶留守臣諸事於臺皆報行而嶺右徭有剽庫金者公又上防守方畧右方伯劉公采見而心服之曰天下才也而公鄉人韶守鄭重威者以公事與兩監司持不勝遂棄官去御史蕭止之不得兩監司亦愧止之不得而俱屬公以解公乃爲婉辭解鄭始留然其持初議益堅而蕭與兩監司

謂公實右之以語後御史郭郭故撫蜀都御史鄉人也忽  
憤咤曰是夫也後先以鄉人重我獨無鄉人哉會公遷福  
建左參議行遂媒孽諸影響事疏罷之公既歸絕口不復  
及所以唯闢園池召故所善爲文酒歡務爲德於宗戚鄰  
里而已漢陽一司理來署邑篆榜薦紳交際禮於門屏公  
歎曰以吾從大夫後哉謝病不復通而司理滿三月官代  
客有贊公文以錢者公曰司理日約束我曹而文諛之得  
乎且三月政成胡易也司理聞而啣公構於上官郭察公  
居鄉狀不得而止公性不食酒無奇裘好自奉若儒生旁

麻城縣志

卷三十三

藝文  
文徵

五

通皇歷堪輿家語而尤喜治博士書至老愈篤其爲給事  
而與會試事典史而與鄉試事所得多知名者公年七十  
三一夕以無疾卒元配喻贈孺人繼配梅封孺人子某孫  
某以某年日葬于蕭園之祖塋狀則吾郡王百穀所撰也  
嗟夫父子更代起甲第爲諫臣以諫獲罪而名俱趣之不  
亦奇哉夫鳳陂公之諫犯所必不可犯之人而公之諫挽  
所必不可挽之事此未有不立隕者也然天威甫震而霽  
繼焉猶獲以一官効遠外及其繼也天子不修怒而修怒  
者都御史御史也奈何使公父子而以一參議終哉夫舉

直憐才者大臣職也是何天子之廣而大臣之狹也且夫以蕞爾令而攝衣歸臺猶知挽之及其崑然名憲臣而兩推之使去也又何昔之難進而後之易退也然孟麟輩之爲公不朽計固失之峻伯而得百穀公亦可以瞑矣因銘之曰

是惟南楚之珍世稱直臣龜山嶙峋麻溪大淵淪我勒堅珉以風子若孫毋忝其人

麻城縣志

卷三十三

藝文  
文徵

五

仁覺居士楚倥公傳

溫陵李贄卓吾

先生諱定理字子庸別號楚倥諸學士所稱八先生是也諸學士咸知有八先生先生初不自知也而此稱楚倥先生傳何也夫傳者所以傳也先生初不待傳而楚復爲傳以傳之又何也蓋先生初不待傳而余實不容不爲先生傳者按先生有德不耀是不欲耀其德也有才無官是不欲官其才也不耀德斯成大德矣不用才始稱真才矣人又烏能爲先生傳乎且先生始終以學道爲事者也雖學道人亦不見其有學道之處故終日口不論道然目擊而

麻城縣志

卷三十三

藝文  
文徵

五七

道斯存也所謂雖不涇衣時時有潤者也莊純夫曾告我曰八先生云吾始事方湛一湛一本不知學而好虛名故去之最後得一切平實之旨於太湖復能收視返聽得黑漆無八無門之旨於心隱乃始充然自足深信而不復疑也唯世人莫可告語者故遂終身不談唯與吾兄天臺先生講論於家庭之間而已故亦遂以天臺爲師天臺亦自謂吾之問學雖有所契然賴吾八弟之力爲多子庸曾問天臺云學庸語孟雖同是論學之書未審何語最切天臺云聖人人倫之至一語最切子庸謂終不若未發之中之



一言也余當時聞之似若兩件然者夫人倫之至卽未發之中苟不知未發之中則又安能至乎蓋道至於中斯至矣故曰中庸其至矣乎又曰無聲無臭至矣歲壬申楚倥遊白下余時懵然無知而好談說先生默默無言但問余曰學貴自信故曰吾斯之未能信又怕自是故又曰自以爲是不可與人堯舜之道試看自信與自是有何分別余時驟應之曰自以爲是故不可與人堯舜之道不自以爲是亦不可與人堯舜之道楚倥遂大笑而別蓋深喜余之終可入道也余自是而後思念楚倥不置又以未得見天

麻城縣志

卷三十三

藝文  
文徵

五

臺爲憾丁丑入滇道經團風遂舍舟登岸直抵黃安見楚倥并睹天臺便有棄官畱住之意楚倥見余蕭然勸余復入余乃畱吾女并吾壻莊純夫於黃安而因與之約曰待吾三年滿收拾得正四品祿俸歸來爲居食計卽與先生同登斯岸矣楚倥牢記吾言教戒純夫學道甚緊吾女吾壻天臺先生亦一以己女己壻視之矣嗟嗟予敢一日而忘天臺之恩乎旣三年余果來歸奈之何聚首未數載天臺卽有內召楚倥亦遂終天也旣以戚戚無懼而天臺先生亦終守定人倫之至一語在心時時恐余有遺棄之病

余亦守定未發之中一言恐天臺或未窺物始未察倫物之原故往來論辯未有休時遂成扞格直至今日耳今幸天誘我衷使予舍去未發之中而天臺亦遂頓忘人倫之至乃知學問之道兩相舍則兩相從兩相守則兩相病勢固然也兩舍則兩忘兩忘則渾然一體無復事矣余是以不避老不畏寒直走黃安會天臺於山中天臺聞余至亦遂喜之若狂志同道合豈偶然也然使楚倥先生而在則片言可以折獄一言可以回天又何至苦余十有餘年彼此不化而後乃覺邪設使未十年而余遂死余終可以不

麻城縣志

卷三十三

藝文  
文徵

五

化邪余終可以不與天臺合邪故至次日遂同其子汝念往拜先生之墓而先生之墓木拱矣余旣痛九原之不可作故特爲此傳而連書三紙以貽之第一紙以呈天臺志余喜也第二紙付汝念汝思使告而焚之先生之墳志予憾也第三紙特寄子健於京志余喜而且憾憾而又喜也益子健推愛兄之心以及我可謂無所不至矣故爲傳傳余意以告先生云

劉太傅東鄉公傳

明工部尚書  
太子太師 何應瑞

公諱僑字東卿楚黃麻城人祖天和以邊功晉兵部尚書太子太保諡莊襄冊勲恩襲公其曾孫也公偉然九尺望若神人少聰穎勤學談古今治亂如指掌嘗讀書至靖康以後掩卷太息曰國家事未有不壞於大臣者省試不第熹宗辛酉襲職除錦衣衛正千戶非公志也適有天津衛陳大帥者僕首密通邊釁公奉命往逮戒緹綺曰以僕首主法所不宥且其事必枉及部鞠果得枉狀上由是重公明年授北鎮撫司明允有聲會逆璫魏忠賢通權客氏廷

麻城縣志

卷三十三

藝文  
文徵

本

臣不得進見蜀洛交爭冰山壁立忽嚴旨屬公鞠問中書汪文言意在株連楊左忠賢陰使謂公曰合上意即得重用不爾且禍及公嘆曰媚逆璫以博富貴吾不爲也於是三木不具觸璫怒即日削籍歸自春明門至盧溝橋車馬夾送泣聲不輟公爲之怡然刑科給事中沈惟炳疏云告密之門一開則監謗之含冤必眾羅織之經可纂恐設甕之人自疑此劉僑所以甘心削籍脫此狼毒而不悔也左都御史楊漣疏云北鎮撫臣劉僑不肯殺人媚人自是在刑慎刑忠賢以其不善鍛鍊竟令削籍明示大明之律令

可以不守而忠賢之意旨不可不遵將使羅鉗吉網然後快心於以彰忠賢之威焰得矣而國脉何可崇此蘊毒已而漣等俱坐大獄方求所以中公幸思宗御極日出冰消因首拔公尋於己巳之變王畿震驚上因城堞簾懸灰瓦俱屬空設逮工部監造主事四員發東司房於日昇廷杖上怒緩命削職特用公提督東司房官旗辦事錦衣衛掌衛事諭卽日蒞任時督師袁崇煥迫敵臨城請蓄銳決戰璫黨假謠喧騰上聞疑煥兵權重握難以遽逮密召公徑趨平臺授命逮煥諭公宿署勘問毋與外通時黨人欲借

麻城縣志

卷三十三

藝文  
文徵

三

崇煥一案興大獄網織清流公持正秉公一日三勘三覆三駁次日勘覆駁亦如之罪止崇煥一身爰書成上喜謂公曰前朕於祭夕月壇時見卿表表儔眾中卽知非無才者特簡用卿勿負朕意也一日亭午公聞署垣外銳聲遣緝不獲疏嚴防守上以巡捕營仍屬衛節制由是衛防益肅次日刑部越獄公遣戒各門守越者無一漏上深嘉之曰昨之銳聲欲劫衛獄也賴衛防嚴移越刑獄又賴遣防諸門致越者無漏劉僑之力也爾等謂朕所用得人否賜紵絲表裏新鈔羊酒有差嗣是賜益勤厚一歲遷十三級

加太子太傅左軍都督府左都督廕一子東宮侍衛異數莫比焉敵臨城時各衙門緝獲謀者三百餘人上發訊覆勘再四皆由畏刑自誣公具疏痛言盡得釋內有浙江監生沈案卽登庚午賢書一時朝野咸謂于張再見矣先是越獄一案上怒都憲易應昌引律未協并大司寇喬允昇俱發訊公素服二公端方遽訊恐撻聖怒緩待熟審時曲全之甘肅巡撫梅之煥五千里外勤兵入援本兵梁廷棟懷私下石密揭凡七上意不殺之煥不已公特疏保以百口致無虞者其全力也凡保全善類往往如此此特其概

麻城縣志

卷三十三

藝文  
文徵

李

云嗣後上意專主明察委公日緝六部月緝裏八府季緝十三省事公抗疏云從古聖王務崇體要不尙綜核臣一人之耳目有盡天下之事務多端正恐聞見不確有悞聖明不報因勞告罷疏凡十三上上手諭卿親臣也亦重臣也朕特簡共勤機務今屢疏乞罷毋亦位極人臣思歸享田里之樂乎明日視太廟當速出視事而媚上者因乘閒中傷隨以東江參貂事忤旨謫戍海內正人君子莫不扼腕劉司隸者非緣生平踐履之心昭昭若素也哉癸未大司馬馮元颺疏公忠直老臣宜還職報可公表辭者再未

幾竟以病終瑞與公神交有年每同解石帆黃石齋王玄  
珠諸君道公秉政以來決大獄存大體者未易更僕數聊  
據所聞率成傳畧爲一代偉人盛業云

麻城縣志

卷三十三

藝文  
文徵

三

太守周思久墓誌銘

楊起元

柳塘周先生字子徵諱思久別號柳塘晚年築室石潭故  
又號石潭居士先生仕至二千石壽至六十有四行義卓  
然可師百世然其所自貴所自不朽所自不以爲足者大  
矣遠矣則所得於學者深矣先生父菱湖公麻邑稱長者  
先生生而天性高明亢爽非物所能累中年友楚侗耿先  
生相磨以學於是乎益不有其善蓋昔賢所稱有若無實  
若虛無伐善無施勞者先生身有焉善乎耿先生之稱先

麻城縣志

卷三十三

藝文  
文徵

齋

生日蓋予自束髮交子徵矣習見子徵自少爲童子過座  
中偶聞譟褻語輒忸焉面頸發赤也比長入仕涉世紛華  
中而醇心篤衷猶然無易赤子其餘禮道之交也未嘗斤  
斤然爲廉間取諸人也無羨心隨手爲人取之無顧惜心  
遇靡麗玩好若輕塵浮揚空中隨風聚散耳以是宦廿年  
秩二千石四厯名郡而屢空終身俯仰無資至於世業不  
守宴如也乃或遭非禮惡聲之加也片語折之應時消化  
甚至無根之謗橫及其身聞之一莞若蚊虻過耳無幾微  
介於中也微時受族里齟齬窘侮者比旣達匿惟能忘且

報之厚焉生平孝友睦恤之行予得之於先生家庭屋漏中者多古人純德事迺不惟不欲人知若畏人知者其馘歷郡縣善政偉績何可殫記顧卽渥交如予未嘗聞一自述予第於王宗伯忠銘海中丞剛峯所而論其守瓊之治行於譚司徒次川而聞其守雄之治行初筮仕爲令中左遷浮沈中州所至民被其惠輿人到今藉藉頌之然予於鄭司寇淡泉吳中丞自湖顏督學冲宇諸名公處聆其聲稱耳未嘗聞一啟吻向予語也若聞人之隱隱瑕行不特絕口不道耳亦若不忍聞者嗚呼今世知先生者孰踰耿

麻城縣志

卷三十三

藝文  
文徵

五

先生哉蓋先生之得天者厚矣故其修之家庭行之州里著之政事善不可殫述而一則曰若畏人知一則曰未嘗自述則先生之所自牧者已不有其善矣他人之稱先生者猶事事而善之何以異於大鵬已徙而尺鷃猶仰羨於藩籬日御已西而夸父徒渴追于窮途哉故曰知先生者無踰耿先生也先生守雄時起元受先生知先生誨之曰學必求至於聖人非但欲爲好人而已飲之酒酒酸先生曰世人謂秀才酸願子他日無忘此酸氣也起元書之紳惟謹又四年爲隆慶庚午先生守瓊歸矣起元北上會于



江簿後以先生貴封奉議大夫母黃封安人弟思大以鄉  
舉爲蒲城令配州氏封安人先十年卒女二一適曾給事  
燧子嘉懷州出一適劉別駕濂子守樸庶戚出與子之士  
同母之士娶劉考功守泰女之士好學有文先生疾革訓  
之曰父子天性今當永訣無以爲別願汝立志以聖人自  
期觀此言則之士之器可測矣先生臥病數日惓惓勉友  
人以學不亂手書遺起元猶以于道一無所聞爲言凡六  
十字筆力遒勁遂絕筆嗚呼痛哉某月某日葬先生于山  
之原銘者名也先生不喜名誰宜銘先生者耿先生曰惟  
禮不可已惟子不可辭銘曰有善出乎天不有其善存乎  
人天人匪二有無混一古有修者是爲有明柳塘周先生  
之真室

麻城縣志

卷三十三

藝文  
文徵

奕

秋崖逸老傳

國朝 吳與泌

秋崖逸老者齊安之麻城白杲鎮人東坡方山子傳所謂岐亭者相去僅五十里也邑紳士稱者皆曰秋崖先生逸老者特書也予至麻城與秋崖知最深明神宗朝秋崖尊人爲直指使者察邊事大同兼督學政有能聲秋崖蓋世家子也初名昇姓魯字紫涯博極羣書凡古今文字稍可誦者以及方書佛老言手作蠅頭楷錄一笈可萬卷以上悉記讀無遺張安世虞世南蔑以過也少屬詩古文辭好獎拔士類而朝廟之中高文典冊尤時所推尙氣節要在麻城縣志

卷三十三

藝文  
文徵

七

道人之善歷其目者雖貧賤爲人所憎棄必心識之明時嘗遊吳越吳越多文社而前庚辰進士視楚湖北學政黃仲霖霽者尙困童子試偶從他社中見其文異之兼爲之成名踰年登甲乙第踰數年官於楚使者冠蓋相迎作感恩知己報然終不以此驕人其於邑人士率多類此至夷然不屑又所時有也癸未獻賊之亂赤壁三江可尸渡矣及逼麻城盡掠少壯者隸爲賊倡義討之衆皆田家子弟力不克僅得依山設堡自固尋以

國初解散然田園荒蕪廬舍燹毀矣自是息意仕進無何

飾苾芻衣冠攜二童子里中市藥通都大邑所活甚衆與  
緇衣言禪與黃冠言道遇士人則唯唯謹更姓名曰一  
晟秋崖者一晟字也後皆因之不改而增書魯字其上云  
里人曹石霞甚敬憚之石霞者前已卯楚中第一人成進  
士者也知名徧天下顧於世之知名者則又落落無足當  
其意曾仕閩漳州之刑曹

國朝避官歸所居距十里許彼此嘗相就爲詩文飲酒之  
樂醉則浩歌古詞曲或離騷諸篇時竟日逮且禮法者過  
之則避匿矣然秋崖壯年實銳意用世特決於自檢明思

麻城縣志

卷三十三

藝文  
文徵

三

皇帝初以明經遊都下名士大夫爭知交之際思皇帝生  
元子告廟追上皇太后徽號册文思皇帝素英察諸凡制  
誥稿稍不稱旨者多罷黜性至孝每千秋節不受賀避殿  
素服不舉樂不如腥蓋皇太后誕生思皇帝未踰日卽賓  
天也故於册文尤致意勅屬草者鄭重焉而詞臣人人危  
懼曰故事翰林掌制誥此册文當儀部事部臣曰故事部  
無撰文體兩相諉然終莫得諉乃外求椽筆而以詞臣日  
當值草者署名得秋崖及以外三人文成詞臣部臣置其  
一而以秋崖與其一進閣閣臣特重秋崖文命呈入大內

五日不下部臣詞臣交震恐意重譴日中有貴人呵道百餘騎投刺抵秋崖蓋掌司禮監內臣受勅詳錄進覽冊文諸援引經傳而詞臣署名者道其實也於是貴公名卿無不爭知交之以故再試北闈中當事者無不欲搜得之以爲榮然終莫遇也天也非人所能矣旣不第所親勸其以明經受官又有所知者司銓曹要之曰力能擢高等秋崖曰國家重科第久矣今一旦縱得高等亦不敢少展才調稍不然指擿者無端家聲頽矣名行墜矣不就嗟夫漢舉孝廉賢良方正茂才異等取之之途衆矣而霍光黃霸薛

麻城縣志

卷三十三

藝文  
文徵

堯

宜輩不藉此途者何赫赫名卿也經國如賈生文章如相如均不由所舉之科漢室得人所以爲盛故秋崖終身不用出處之際可以徵矣

岐亭郡丞王公戡亂碑記

王封滌

戊辰秋仲之杪吾楚黃人士來自里門傳 郡丞王公祖

守岐實蹟欲以余言壽貞珉予忝銓衡重任自當爲 國

家紀守土之勞臣更喜爲桑梓揚保民之良吏奚敢以不

文辭竊自吳越蕩平來越十年所矣父老與子弟耳不聞

鼓鼙之聲日不覩旌旗之色鷄犬桑麻晏如也疇意今歲

夏五會城兵叛武漢諸官領不戰而潰沿暨黃德兩郡縣

亦多聞風遠竄僞員逆弁布列肆行更有狂憤昏迷之徒

投附逆黨毒痛慘烈蕩搖我疆土俘掠我蒸黎冠履倒置

麻城縣志

卷三十三

藝文  
文徵

七十

不復有 朝廷法紀嗚呼此小醜耳何遂滋蔓至斯哉抑

亦守土之官吏鮮鎮定撫輯之策以寧外患而固吾圉也

岐亭一鎮爲楚黃東北關津重地剛麻安陂四邑交壤當

逆焰轟播所在士民不能無疑畏惟 王公祖端然坐理

神色不撓集諸紳衿耆老暨四門地甲庭諭而矢之曰我

國家八埏寥濶萬國傾心嚮化爾等所知也我 國家

六師精銳百戰摧陷廓清亦爾等所知也蠢茲跳梁羣逆

直釜中物耳爾等亟修葺城垣儲備器械且伊眷屬室廬

咸在焉務堅意協力捍禦勿貳若我職在守土惟與此城

俱存亡耳羣應曰唯唯爰是四門各揀設紳矜統率烟甲  
晝夜巡防咸無懼憚城中窘乏者給以家口之粟且授以  
捍禦之方人懷鬪志勇氣百倍越數日賊魁張漢一統叛  
衆雲集擁騎樹纛揚幟揮戈負雲梯持飛礮直抵城下藐  
視岐鎮彈丸妄意開門揖降如取如攜耳城堞之戈矛林  
立樓櫓之火器山積 公督率巡守不遑食寢者三晝夜  
俄而 公發奸摘伏擒爲賊間諜者十餘人訊知約期舉  
火爲號賊卽乘隙攻取迨數輩就戮而賊失所恃知無懈  
可擊 公又用以賊退賊之計而賊果宵遁尙思糾集烏

麻城縣志

卷三十三

藝文  
文徵

三

合出其不意而眈眈之視猶未已也 公復策騎出巡於  
附近寨堡團練聯絡賊遂不敢再至城下尤嚴爲防守以  
待 王師憶自會城變起倉卒武漢黃德各郡縣或賊至  
而失守或賊未至而先逃乃岐亭蕞爾一城非有峻壁深  
池可以設險也郡丞文職一官非能披堅執銳可以卽戎  
也獨以衆志成城倡義拒敵俾近城百里內外不受叛黨  
荼毒非我 公之文經武緯曷克臻此未幾而大師奄至  
賊衆敗降元逆夏逢龍狼狽走白雲堡被我 公所立練  
長縛送軍前以正顯戮古人云運籌帷幄決勝千里者我

公真無遺策也今士氓感靖亂深恩秘之於心形之於口而欲頰觸之於目因咸相告語曰時事羹沸四方動搖我岐之築場納稼咸得樂樂利利者伊誰之賜耶且被賊蹂躪諸地不無顛連毀折我岐之安堵無虞置師行於不問者伊誰之功耶乃我公謙讓未遑歸功朝廷僉謂朝廷福庇何獨私於一岐公又歸之紳士百姓僉謂吾儕雖和輯禦侮非有得道多助者爲主持其誰發縱指麾以壯敵愾乎遂拜手颺言曰不矜者天下莫與爭能不伐者天下莫與爭功慎固封守拒敵退寇自當歸之我公

麻城縣志

卷三十三

藝文文徵

七

於是衆皆稱善且懼怵踴躍請登淮西一片石辭曰妖氛煽楚變起何陡驅騁岐陽誰爲固守烈烈王公勇裕義

有不與時移不爲勢揉賑貧憐勞恩同慈母捍亂擒奸民

安賊走功首綸褒頌傳輿口萬世奇勳永垂不朽

公諱民  
諱號熙

園江西  
臨川人

程希川先生墓志銘

李鈞簡

嘉慶六年四月二十七日麻城程希川先生以疾卒於應山學署其人博學篤行可方漢文範先生唐貞曜先生卓然古君子也自余爲諸生肄業江漢時往來其邑魯氏之止園在鄂城者常與先生晤懷珍抱寶揭德振華欣得而就正焉於是黨之敬每以先生爲稱首然豐於德而嗇於遇天之報施不可知而先生之自立則爲全人矣復何憾先生卒後八年歲戊辰先生從子松亭編修其受學最深者以其遺狀屬余志其墓謹敢敘而銘之先生諱宗洛號

麻城縣志

卷三十三

藝文  
文徵

三十一

超軒希川其字也生四歲而孤贈公積學負文名專精攻苦奮志以歿母鄒太孺人奉祖東安公養竭力營甘旨不辭艱瘁撫先生成立督課誦不稍寬假舉動必教以禮法先生天資高邁聰穎特達旣夙稟慈訓尤自刻厲以繼先緒年十七試輒冠其曹補博士弟子越十年朱秀叔學使選貢入成均先生朝考後卽飄然南歸授徒里中資修脯以供晨夕古人云一日養不以三公易者先生蓋不言而歡然有以自得也自列鬣序凡赴鄉舉者十八屢薦不一售儕輩皆爲之扼腕而先生好學敦行無幾微見於顏色



先生持躬正直處事謙和待朋友尤誠實坦易性不喜塵  
囂邑北多佳山水兼曠如奧如之勝麻姑洞以仙蹟著喬  
松茂木怪石回溪光黃間名境也先生終歲寓精廬勤勤  
講學其中從之游者多所成就立身皆有矩矱偶一至城  
市爭來迎致幾有吾家先生風經師人師莫不欣慕焉自  
乾隆乙未年爲鄒太孺人請旌建坊於城北嘉慶戊午選  
應山教諭迎養太孺人於官署庚申年六十三矣始舉一  
男名國柱先生念太孺人茹苦守節者且幾六十載方以  
是爲含飴歡乃逾年而國柱殤遂以慘痛卒嗚呼尙可言  
麻城縣志

卷三十三

藝文  
文徵

古

哉太孺人議之宗人擇立先生姪孫爲嗣孫又二年而太  
孺人卒合葬望花山西南贈公塋先生耐葬其左子國柱  
天孫元燮嗣女二長適太學生葉均次適歲貢張受詔銘  
曰理有定而難恃德有鬱而必彰無虧體者爲全受能樂  
志者爲顯揚節孝傳於家詩書嗣其後此所謂千載之光

給諫袁君家傳

王贈芳

予同譜中得人最多曉事如林少穆任事如周敬修息事如劉眉生能事如程晴峯其擅政事文學者不可勝數至以卓行爲人儀表僉推金溪袁君君名銑湖北麻城人嘉慶辛未進士由翰林院御史晉禮科掌印給事中門清如水所言皆關係天下利病

今上卽位倡言請停捐例蒙數

召對

溫旨褒予愈益感勵侃侃諫諍人咸爲危之君弗顧也奉

麻城縣志

卷三十三

藝文  
文徵

七

命巡視通漕餽遺一無所受屢充鄉會分校稱得人後以言事鐫級歸大吏延主江漢書院君學問精粹老於文律與諸生講明義法因著四書講義嘗曰制藝爲士人拜獻之資此而苟且其他可知方行矩步嚴立課程人人自喜能得師也每辭講席諸生環跪懇留凡十二年或請以文集付梓君不可舉章奏文稿悉焚之君起家寒素述先人一語見先人一物輒涉涉淚下及貴羣從兄弟數十口同居無間言不以財自殖也樂成人善鄉人薰其德風俗爲之不變俗有溺女者指金於族於鄉各立育嬰局貧舉女

者局贍之年六十二卒又九年得

旨入祀鄉賢

王贈芳曰予官京師居廬陵館與君麻城館密邇晨夕相親也其子學瀛稚齒相見如家人禮及視學楚北叩其子以幼學未成辭予授代將北上令其子出拜年已弱冠舉業亦斐然矣始知其引嫌不令應試也予嘗稱君在家爲孝悌之士在

朝爲風節之臣在書院爲道德文章之師在朋儕爲直諒多聞之友聞者咸以爲然詩曰君子是則是倣若君者可

麻城縣志

卷三十三

藝文  
文徵

七

則倣也已

白臬山青雲梯落成記

代陸費明府作 王德新

聖皇御極之二十一年歲在丙子某筮仕宰斯邑念古文  
吏養士化民教流風扇至於鳴琴而理何治之美也雖不  
能及高山仰之履任卽進諸生與爲揖讓申以誨規繼見  
書院廢替招學子業其中分俸益膏火敦禮江夏王菊門  
山長日課月程一年士靡然嚮風邑之人悅是舉也僉謂  
院錢薄少不勸而醵錢二百六十萬以助余爲付質商爲  
子本而嘉邑人之慕學已庶乎其化之能興矣乃衆猶欣  
然來言曰吾邑在勝國暨

麻城縣志

卷三十三

藝文  
文徵

七

鼎新時人材踵出科名位業甲於南州百年來寢以濶疏  
我侯作育如是是邑復始之秋也某等願更捐貲培風水  
以贊侯志以幹邑運之旋若崇黌宮外屏高南城麗譙修  
交衢鼓樓建堦於白臬對山皆卽今事宜而建堦立文筆峯  
尤要余未敢然其說而重違衆議且又烏知人之情非卽  
天之道地之寶也許之時丁丑九月也越戊寅五月董事者  
告堦位成請名余名之曰青雲梯越今年五月告堦成請  
題榜余題之曰文明以健七月遂以訖功告復請余言紀  
本末焉按圖及册堦占山五閣老中峯顛距麓且十里爲

曾七爲隅六爲戶七爲牖十有一爲崇通髻及趾丈計者  
九爲圍趾如其崇頂約三之一中爲盤磴百有八外爲週  
闌者三上奉 文昌帝君次 關聖以遞福祿壽星爲像  
設几九基之西別爲亭八楹灰石取於山銅鐵板絙鬆采  
之用市於外凡爲工三萬二千有奇爲錢七千八百緡有  
奇爲日四百八十有奇嚙斯已勤矣頃余往來過望嗣以  
登臨巋然七級者揭嶽崑插溲沈光迴二曜祥納八風濯  
九派之遠流控五關之近塞峯攢勝以增雄城起霞而挹  
秀而自縣前引領雖相遙一舍其勢之歸也若飛虹之飲

麻城縣志

卷三十三

藝文  
文徵

七

於庭其精之取也若慈石之召乎鍊左右鄉覘之亦莫不  
蛟騰虎躍互相輝映注受然以是聳絕特之觀啟方來之  
運不亦足領化揚風輔弱扶微也哉顧余未敢然者何衛  
文公之文其國也望楚景京爲之乎抑敬教勸學爲之乎  
史公言齊魯之文學其天性又曰好禮樂之國則豈獨地  
氣爲良乎今麻山川猶昔邑聚猶昔而人文不昔若者毋  
亦持風者勤簿書而緩弦歌橫經者是未師而忘舊學其  
責固有所歸與不追計此而汲汲形勝之與謀外觀之是  
競果中今事宜否也然神不警不發氣不作不伸是役也

諸君子豈直爲壯觀也者夫對高標則思抗節以樹表儀  
峯距則思健筆以干霄憶層累則思廣基以漸積晒階升  
則思接引以共登鼓之儻之厲之翼之學行修人材茂翩  
翩躡青雲而麗文明邑之風復其始化觀厥成將於是乎  
在而不佞泄官之初志亦藉得周旋無失墜焉卽斯舉爲  
功甚大又何青鳥說之足云因終諾其請而爲之記以俟  
塏之費闔一邑公輸董其事者某某也

麻城縣志

卷三十三

藝文  
文徵

堯

增古今體詩

宋

岐亭五首 并叙

蘇軾

元豐三年正月余始謫黃州至岐亭北二十五里  
山上有白馬青蓋來迎者則余故人陳慥也為留  
五日賦詩一篇而去明年復往見之季常使人勞  
余於中塗余久不殺恐季常之為余殺也則以前  
韻作詩為殺戒以遺季常季常自爾不復殺而岐  
亭之人多化之有不食肉者其後數往見之往必

麻城縣志

卷三十三 藝文  
文徵詩附

作詩詩必以前韻凡余在黃四年三往見季常而  
季常七來見余蓋相從百餘日也七年四月量移  
汝州自江淮徂雒送者皆止慈湖而季常獨至九  
江迺復用前韻通為五篇以贈之

昨夜雲陰重東風融雪汁遠林草木暗近舍烟火溼下有  
隱君子嘯歌方自得知我犯寒來呼酒意頗急拊掌動鄰  
里遶村捉鵝鴨房櫳鏘器聲蔬果照巾篚久聞萸蒿美初  
見新芽赤洗盞酌鵝黃磨刀削熊白須臾我徑醉坐睡落  
巾幘醒時夜向闌唧唧銅鉸泣黃州豈云遠但恐朋友缺

我當安所主君亦無此客朝來坐菴中惟見峰巒集

其一

我哀籃中蛤閉口護殘汁又哀網中魚開口吐微溼刳腸  
彼交病過分我何得相逢未寒溫相勸此最急不見盧懷  
慎蒸壺似蒸鴨坐客皆忍笑髡然發不窳不見王武子梅  
食刀杙赤琉璃載蒸豚中有人乳白盧公信寒陋衰髮得  
滿幘武子雖豪華未死神已泣先生萬金壁護此一蟻缺

一年如一夢百歲真過客君無廢此篇嚴詩編杜集

其二

君家蜂作窠歲歲添漆汁我身牛穿鼻卷舌聊自溼二年  
三過君此行真得得愛君似劇孟叩門知緩急家有紅頰

麻城縣志

卷三十三

藝文  
文徵詩附

二

兒能喝綠頭鴨行當隔簾見花霧輕窸窣爲我取黃封親  
拆官泥赤仍須煩素手自點葉家白樂哉無一事十年不  
蓄幘閉門弄添丁談笑雜呱泣西方正苦戰誰補將帥缺  
披圖見八陣合散更主客不須親戎行坐論教君集

其三

酸酒如羹湯甜酒如蜜汁三年黃州城飲酒但飲溼我如  
更揀擇一醉豈易得幾思壓茅柴禁網日夜急西鄰推甕  
盎醉倒猪與鴨君家大如掌破屋無遮窳何從得此酒冷  
面妬君赤定應好事人干石供李白爲君三日醉蓬髮不  
暇幘夜深欲逾垣臥想春甕泣君奴亦笑我鬢齒行禿缺



三年已四至歲歲遭惡客人生幾兩屐莫厭頻來集 其四

枯松強鑽膏枯竹欲瀝汁兩窮相值遇相哀莫相溼不知  
我與君交遊竟何得心法幸相語頭然未爲急願爲穿雲  
鶻莫作將雛鳴我行及朱夏煮酒映疎窳故鄉在何許西  
望千山赤茲遊定安歸東泛萬頃白一歡寧復再起舞花  
墮憤行將出苦語不用兒女泣吾非固多矣君豈無一缺  
各念別時言閉戶謝眾客空堂淨掃地虛白道所集 其五

陳季常見過

仕宦常畏人退居還喜客君來輒館我未見雞黍窄東坡

麻城縣志

卷三十三

藝文  
文徵詩附

三

有奇事已種十畝麥但得君眼青不辭奴飯白

送君四十里只使一帆風江邊千樹柳落我酒盃中此行  
非遠別此事故無窮但願長如此來往一生同 其二

岐亭道上見梅花戲贈季常

桂死蘭枯菊亦摧返魂香入嶺頭梅數枝殘綠風吹盡一  
點芳心雀啅開野店初嘗竹葉酒江雲欲落豆楷灰行當  
更向釵頭見病起烏雲正作堆

正月二十日往岐亭郡人潘古郭三人送余于女王

城東禪莊院

十日春寒不出門不知江柳已搖村稍聞泱泱流冰谷盡  
放青青沒燒痕數畝荒園留我住半瓶濁酒待君溫去年  
今日關山路細雨梅花正斷魂

張先生

并叙

先生不知其名黃州故縣人本姓盧爲張氏所養  
陽狂垢汚寒暑不能侵常獨行市中夜或不知其  
所止往來者欲見之多不能致余試使人召之欣  
然而來旣至立而不言與之言不應使之坐不可  
但俯仰熟視傳舍堂中久之而去夫孰非傳舍者

麻城縣志

卷三十三

藝文  
文徵詩附

四

是中境何有乎然余以有思惟心追躡其意蓋未  
得也  
熟視空堂竟不言故應知我未天全肯來傳舍人皆說能  
致先生予亦賢脫屣不妨眠糞屋流澌爭看浴冰川士廉  
豈識桃椎妙妄意稱量未必然

正月二十日與潘郭二生出郊尋春忽記去年是日  
同至女王城作詩乃和前韻

東風未肯入東門走馬還尋去歲村人似秋鴻來有信事  
如春夢了無痕江城白酒三杯醜野老蒼顏一笑溫已約  
年年爲此會故人不用賦招魂

六年正月二十二日復出東門

亂山環舍水侵門身在淮南盡處村五畝漸成終歲計九  
重新掃舊巢痕豈惟見慣沙鷗熟已覺來多釣石溫長與  
東風約今日暗香先返玉梅魂

寄吳德仁兼簡陳季常

東坡先生無一錢十年家火燒丸鉛黃金可成河可塞只  
有霜鬢無由元龍丘居士一可憐談空說有夜不眠忽聞  
河東獅子吼拄杖落手心茫然誰是濮陽公子賢飲酒食  
肉自得仙平生寓物不留物在家學得王家禪門前罷亞  
麻城縣志

卷三十三

藝文  
文徵詩附

五

十頃田清溪繞屋花連天溪堂醉臥呼不醒落花如雪春  
風顛我遊蘭溪訪清泉已辨布襪青行纏稽山不是無賀  
老我自興盡回酒船恨君不識顏平原恨我不識元魯山  
銅駝陌上會相見握手一笑三千年

明

梅司馬甯夏凱旋

文元發

寒雲漠漠風生生悠悠旂旆駭馬鳴無端孽雛從地起逆  
天驕悖紛飈塵質劫要請恣橫行腥風獵獵統萬城草枯  
寒徧壯士脛雪花飄溼將軍纓天子宵衣簡命切繡斧明

威霜戟烈杖節車攻出塞垣朔風如刀面欲裂男兒願不  
在封侯銅柱標勛志亦酬元戎十乘迅雷發默算旋樞克  
壯猷羽書朝馳暮折馘指揮已定蕭曹失漢將歸來西塞  
空纍纍肘後燕然勒始看螳背竟摧殘一范能令西賊安  
按轡無煩細柳勞膚功已報擒樓蘭中丞才武由天錫都  
護雄奇無匹敵願移刁斗迴蒼龍乘風早斂東方鬼

前題

許九叙 長洲

天生梅侯何英武翩翩意氣虹霓吐不獨文將山斗齊豹  
畧龍韜邁今古朔方寧靜仗能臣誰知草動起風塵山鬼

麻城縣志

卷三十三

藝文  
文徵詩附

六

跳梁熒惑現一時兵集如雲屯命將出師拜征口吾侯節  
制專帥府胸中自有百萬兵計定蕭曹那足數大儒戢亂  
事從戎擣賊平羌無限功料敵奇謀過六出鼓士奮勇惟  
精忠決河水勢掀天白左賢有弓控不得驅兵轉戰捷如  
飛逆豎授首烟塵息英雄如公信無敵倚馬揮毫親草檄  
歸來共唱平戎歌燕然山頭堪勒石

前題

張獻翼 長洲

楚材申廟畧節制羽林郎三軍資銳筆千里凌風霜驄馬  
出榆關猶然懷奏章朔風邊月黃雲冷磧路胡天畫角長

梅福神似吏成名勳遠三衛命赴朔方昔將清器定屯兵  
出將歷歲年未聞朔方無鋒烟米船不來鐵馬瘦困獸猶  
鬪漁陽邊漁陽瘡痍未堪起詔書哀痛何時已使君一出  
膽氣雄策行頗有前賢風坐見兵威消瀚海

關中軍麾遙佐元戎去碧漢勳名看自致元戎廟畧誇無  
敵鼎魚穴蟻徒假息轅門弓矢映秋毫玉壘戈鋌照霜色  
猛士材官席上過春日陽和喜氣多今日夔龍兼衛霍離  
筵慷慨青山郭霜戟常寒使者裘攬槍忽墜將軍幕客如  
孫楚復袁宏露布還堪倚馬成直須重賦燕然事塞上方  
麻城縣志

卷三十三

藝文  
文徵詩附

七

思萬里城

前題

王穉登

太原

靈武名高御史驄更勞開府任雲中美人學舞魚腸劍  
養能開兕角弓城下已無夫飲馬幕前安用客和戎不知  
今日麒麟閣誰是平西第一功

前題

申時行

河朔當年淨脫巾請纓慷慨屬埋輪揮戈塞上吞夫氣運  
策帷中報主身秦地雄風還駟鐵漢家高閣畫麒麟晉公  
督戰平淮後千載猶稱社稷臣

前題

申用懋

天子宣示爾 四方忽傳借箸  
掃機槍綸巾坐測收全統  
甲長雖失跳來自此塞  
保障至今名姓怖降王懸知  
薄伐成京觀勳業應看紀太常

冬日喜周更生過訪草堂

周貞一 甘城

塵榻無人下柴門  
為客開杯浮千里月情  
竟一枝海市駿  
高燕雀離鄉是楚才  
翻雲並覆雨莫作世交猜

送更生還楚

劉三傑 宛邱

北風颯處雁南征  
匹馬刀頭道路平  
薄技憐予甘寂寞彩

麻坡縣志

卷三十一

詩附

八

毫羨爾自縱橫他鄉雲  
裏懷義里於國風流  
楚城深劍關山渾一醉  
不堪醒眼淚頻傾

夏日喜更生見訪

歷盡名山到宓墟  
重來下馬十年餘  
支離病骨吾衰甚  
灑風塵爾自如  
倒屣漫疑昨夜夢  
開函先認故人書  
披襟領畧渾無暑  
四座涼飈襲我裾

送更生歸家

魏 邦 瑞

山色丹楓晚  
江色白鷺秋  
人從愁裏去  
帆向望中流  
今日同杯酒  
明朝何處樓  
雪消春草綠  
一頁一相遊

送別更生伯仲還楚

朱宸 粵

五月來遊十月歸半年湖海共依依離筵莫唱黃花落香  
滿奚囊玉滿衣

好友難逢且易離萍踪不定亦多時怪來近日詩腸瘦都  
作長亭繫馬詞

潞水別更生

陳仁錫

招招舟子在何方回首君恩憶拜颺開函家訊餘薑桂攜  
手同人見澤湘湛露只今沾小草素袍猶喜被天香尚餘  
毛髮酬明主敢負生平空泌洋

麻城縣志

卷三十三

藝文  
文徵詩附

九

送別更生伯仲

韓上桂 粵

嶺上春風十月梅離筵行色暮鐘催連城總抱荆山璧五  
等先掄楚澤材郢曲忽驚春雪滿夷歌猶傍瘴雲開不緣  
入洛饒詞詠誰識風流二陸才

送別更生

釋如山 金陵

楚客南還日莫嗟行路難山花迎去棹堤柳繫歸鞍薄暮  
江村冷高秋驛館寒思君何處是梁月照蒲團

國朝

岐亭道中次東坡韻

國朝 陳肇昌 黃岡

春風如麥芒春衫如柳汁行行岐亭道細雨復沾涇村翁  
勸解鞍好語誇計得客路信人情我行非置急山深畏虎  
豺亭午收鵝鴨沙路草茸茸籬花冪冪小憇倦體舒凝  
酣冷面赤緬彼蘇陳遊茫茫烟水白五年三過從忘形隨  
冠幘洒落千首詩黯淡窮途泣狂攜拄杖遊醉擊唾壺缺  
往事劇浮雲餘生遞過客遙夜耿清光慷慨百憂集

岐亭天寶鹿歌

陳大章 黃岡

軋犖山前烽火起帚星下掃長安裏赤心一夕化豺狼唐  
家九廟皆荆杞夜雨愁埋劍閣雲春風恨滿溫泉水何來

麻城縣志

卷三十三

藝文  
文徵詩附

十

決驟華清鹿萬里中原行不速慣隨花鳥上陽官親見玉  
環頻賜浴彊字深鑄太府金角痕碧沁瓊瓏玉未逐仙人  
上博臺郤遭牧豎充庖肉君不見梨園菊部霓裳舞宏農  
唱罷來鼙鼓鸚鵡曾聞問上皇舞馬猶知悲故主秦家宮  
闕漢家陵千年幾度生禾黍休將遺事弔開元漠漠寒烟  
翳平楚

送鄒石瞻學士

予告還里

張廷樞 韓城

余素不能詩未嘗率爾投贈通籍以來見前輩急  
流勇退完名而歸者情不獲已間爲詩送之然歷





碧山卅載夢巖扉黃閣抽簪願未違不是省中無事判直  
教林下有人歸楊侯受祿情原別白傅分司道總非魚樂  
濠梁鷗戲海更將何物損天機

前題

顧悅履

掖庭碩輔下雲扉故里風光未忍違黃閣共欽高士志青  
山久待主人歸芒鞋竹杖娛詩酒釣月耕雲任是非寵辱  
無關心自遠不教榮樂困天機

前題

趙熊詔

花磚日暖憶荆扉謝傅青山志莫違鳳閣應勞朋舊念篋  
麻城縣志

卷三十三

藝文  
文徵詩附

十三

中惟剩賜書歸情怡山水無纖慮心了烟霞絕百非十丈  
紅塵渾不染此中別自有天機

程松亭師傅遷太常少卿

道光皇長子

新秋天語聽煌煌卻喜儒臣入太常禮寺祇應需令望清  
卿端合重含章五年師席瞻儀範廿載詞垣協拜颺從此  
夷夔司盛典贊襄至治薦馨香

